


BAMPEVE YA LUVUNU

 Mbote, bankundi ya munu. Kyese na kuvwanda awa na suka yayi, mpe na kuzaba ti na kumona beno nyonso awa, na kukwikilaka ti Mfumu keke na beto bubu yayi, me pesa beto mwa mpewo, samu ti tiya kuvwanda mingi ve awa na tabernacle na lukutakanu ya suka yayi. Mpe ntangu yayi beto . . .

² Mu banza, ya keke na bana . . . Ba me fidisa bana na bakalasi ya bawu, Mpangi Neville? Mu vwanda me mona bana ya fyoti, mpe mu vwanda kumiyufula kaka kana ba me filisa bakalasi ya bawu—bawu na bisika yankaka, kivinga ya bawu ya lukolo ya Lumingu.

³ Ntangu yayi, beno sambila samu na munu. Ya keke na lukanu mosi ya nene yina mu zolaka sala mazono na mpimpa, mpe mu fwana kusala yawu bubu yayi. Mpe ti dibuundu kusambila. Mu ke—mu ke na lukutakanu yina ke na kwiza, ya keke na nzila ya Rideau ya Kisengo na Allemagne, mpe na yawu ya keke mwa mpasi. Mpe beno sambila samu na munu. Mpe na yawu, ya keke, beto lenda banda mbala mosi kuna na stade ya nene ya cricket na Allemagne, yina Hitler kusalaka kaka ntete mvita, kisika mosi ya mbote ya nene, kisika bantu mafunda nana lenda vwanda. Mpe beto lenda kuzwa yawu bampimpa kumi, na mbala mosi. Mpe na yawu beto keke na kivuvu na kubanda mbala mosi kuna, mpe na manima kuna na La Salle Lorraine, na France, na manima, kuna na Berlin, kuvutuka . . . mu zola tuba, Berlin na kati-kati ya yawu mpe—mpe France.

⁴ Na manima beto ke vutuka, kana Mfumu zola, na lukutakanu na Chicago. Mu ke banda, ksalu ya munu, mu banza, na tanu, sambanu, sambwadi, nana, mpe kumi, na Chicago, na lukutakanu na dibuundu ya Suède. Mpe na manima ba keke, Tata Boze, ndambu ya beno yina ke vwandaka na Chicago, ba keke na lukutakanu yina zolaka manisa na bilumbu yayi ke . . . ke banda na ntete ya Ngonda ya nana, to na ntete ya Ngonda ya yivwa, ya ke vwanda, na Suède. Mpe mu keke na kyese na kuzaba ti luvoti ya bawu samu na munu, na kukwenda, me sala nkama na zulu ya nkama mpe bawu nyonso vwandaka me ndima. Mu vwandaka me sepela samu na yawu, kasi mu fwana to kukwenda kuna to awa ntangu yayi. Beno sambila ti Mfumu kutwadisa munu na kisika kaka myela mingi ke vuluka, mpe kisika ya kulutula mbote ke salama samu na Kintinu ya Nzambi. Ntangu yayi, ba keke na lukutakanu kuna, mpe—mpe bawu na Suède, mpe yandi vwandaka tuba ti beto ke kuzwa makumi zole na tanu, makumi tatu na tanu ya mafunda ya bantu na kubanda, na lukutakanu, mpe mingi ya bawu keke bantu yina me vuluka ntete ve.

⁵ Mpe kuna awa na Allemagne, mbote, ba kele na stade yina kele na bakiti mafunda nana. Kieleka, beto, na Suisse kisika beto me katuka ntangu mingi ve, beto vwandaka me kuzwa lukutakanu ya kulutila mbote kuna, mpe mingi ya beno na kutala me kuwaka yawu ntete ve. Mfumu me sakumuna beto mingi na ngolo, beto vwandaka me kuzwa mafunda tanu ya bantu yina vwandaka me balula bantima na kati ya bampimpa tanu, na—na—na Zurich, na Suisse.

⁶ Mpe na yawu, Mpangi Jack Shuler, mingi ya beno zaba yandi, yandi kele Methodiste, mwana ya bakala ya kiboba Bob Shuler. Ba kele na Belfast na ntangu yayi, mpe—mpe ba ke na kutuba ti ba ke na kuningisaka kisika yango, kuna, samu na Nsangu ya mbote, mpe ya kulutila nene na yina Billy Graham kuzwaka na lukutakanu ya yandi. Jack kele ntwenya mosi ya mbote mingi, ya kudipesa mingi mpe ya kifuluka na zola. Mpe yandi—yandi kele ya kusungama mingi na yawu tii mu ke kwikila ti yandi kele kisadi ya nene ya Mfumu. Mpe beno sambila samu na Mpangi Shuler. Mpe—mpe ya kele Jack Shuler, mpe Jack MacArthur mpe kele na yandi. Mpangi Jack MacArthur kele mpe, mulongi ya nene. Mpe kuna bantu ya mabuundu vwandaka tuba ti ya kele reveil ya kulutila nene yina Irlande me kuzwa ntete. Na yawu beto kele. . . Ke kwendaka kilumbu nyonso samu na—samu na bantu yango. Bawu nyonso zole kele bantwenya ya babakala, na yisi, pene-pene ya makumi yiya ya bamvula, mu banza, to na yisi, na mabuta mpe nyonso yina, mpe milongisi ya ngolo ya mbote ya Nsangu ya mbote, mpe beto ke zolaka bawu.

⁷ Mpe ntangu yayi, mu—mu ke lomba ti beno kuzimbana munu ve, ti—ti Nzambi ke sala munu kubaka lukanu ya mbote malumu malu yayi. Ya kele na bantangu kisika beno zaba ve wapi nzila ya kubaluka. Beno me kumaka ntete na bisika yina? Mu ke kwikila ti Paul kukumaka na kisika yina kilumbu mosi, mutindu yina ve? Yandi vwandaka na kati-kati ya banzila zole. Mpe na yina yandi vwandaka kwenda kuna, mbote, yandi kumonaka Wanzio na vision yina tubaka na yandi, “Kwiza na Macédoine.” Na yawu Mfumu kele dyaka na Wanzio ya Yandi, mutindu yina ve? Kana mu lenda kaka kuvwanda ya kukikulumusana na kati ya ntima ya munu mutindu vwandaka Paul.

⁸ Mpe ntangu yayi, na nkokila yayi, beno bambuka moyo na balukutakanu ya Nsangu ya mbote awa na tabernacle, beno nyonso beno kwiza. Beno bayina kele pene-pene ya Louisville, mu ke zonza na Dibuundu ya Porte Ouverte, na nkokila yayi, na mwa bangunga, na ngunga ya sambwadi na ndambu na nkokila tii na ngunga ya yivwa na ndambu ya nkokila, na Mpangi Cauble. Mu zolaka kwiza awa bambala zole. Mpe dyaka yandi kele muntu mosi ya mbote, mpe yandi kubokilaka. Mpe Mpangi Cauble, yandi kele kieleka muntu mosi mbote, mpangi-bakala. Nge, mu banza ti nge zaba yandi, mpangi-bakala mosi ya mbote mingi, mpe mu zolaka yimina yandi yawu ve. Beno sambila. Na

zulu ya nyonso yayi, beno sambila, mpe beno sambila ti Nzambi kupesa beto lukanu ya mbote ya kusala.

⁹ Ntangu yayi, ntete beto kubanda Nsangu ya Nsangu ya mbote, beto kele na bana ya fyoti beto ke sakumuna na suka yayi. Mpe mu kele na mwana ya fyoti mpe, awa ya kusakumuna, na Mfumu. Ntangu yayi, bambala mingi na mabuundu mingi . . .

Beno lenda kuwa mbote, kuna na manima? Kana beno lenda, ya kele mbote? Ba-ventilateur yayi awa, mu lenda kaka, beno lenda ve kuwa beno mosi. Ve, ya, ya kele mbote. Mu ke na boma ya kufwa kukondwa yawu.

¹⁰ Na yawu bana ya fyoti, bantangu yankaka ba ke mwangisa bawu masa, na dibuundu, na yina bawu kele ntete ba-bébé. Mpe, kieleka, yina me katuka na dibuundu ya Catholique, na kubotikaka bana ya fyoti, to “mbotika” mutindu bawu ke bokilaka yawu ntangu bawu kele ntete bana ya fyoti. Dibundu ya Methodiste me ndima yawu, mbotika ya bana, mpe mingi, mpe mu banza ya kulutula dyaka. Mu banza ti yina kele luswaswanu yina kele na kati-kati ya ba-Nazaréen na ba-Methodiste ya ntangu ya ntama, ya vwandaka mbotika ya bana ya fyoti, mpe dyaka mwa bima ya fyoti mpe nyonso yankaka yina. Kasi, ata mutindu nyonso, ya kele ve, mu banza ve ti ya kele na mfunu mingi. Samu ti, na manima ya nyonso, mu banza ti Calvaire me lakisa yawu, kaka kuna, nyonso ya yawu, ya kele kieleka, samu ti Yesu kufwaka kuna samu na kuvulusa bana ya fyoti mpe kuvulusa yinza.

¹¹ Mpe mwana ya fyoti, ata mutindu ya kibuti yina kele ya yandi, mutindu musumuki, yina ke sala ata luswaswanu ve, samu ti Menga ya Yesu Klisto ke sukulaka yandi, beno me mona, mpe yayi kele Mwana ya dimeme ya Nzambi yina ke katulaka disumu ya yinza. Bébé yina lenda ve kubalula ntima. Yandi zaba ve mutindu ya kubalula ntima. Yandi kele ve na nsasa ya kuvwanda awa, na yandi mosi. Yandi lenda ve kutuba na beno samu na yinki yandi kele awa. Kasi Nzambi me tinda yandi awa, mpe Menga ya Yesu Klisto ke sukula yandi na ntangu yina kaka yandi ke kwiza na yinza. Mpe ya kele tii yandi ke kuma na mvula ya kulunga, kuna yandi me zaba mbote mpe yimbi, mpe kuna yina yandi ke sala yandi fwana kubalula ntima samu na yina yandi zaba ti yandi me sala yimbi. Ya kele kieleka. Na yawu, ndambu ya bawu ke mwangisa bawu maza, mpe ke banza ti ba ke kwenda ve na Mazulu.

¹² Mpe ya kele na malongi yina ke tubaka ti kana mwa mwana ya fyoti kubutuka na bibuti yina kele na Mpeve-Santu, mbote, mwa mwana ya fyoti yina ke kwenda na Mazulu; kasi, kana ya kele mutindu yina ve, ya kele dyaka ve na kima samu na yandi, mwa mwana ya fyoti yina kele kaka dyaka ve. Yina kele mbala mosi luvunu. Wapi luswaswanu ya lendaka sala kana ya kele bibuti yina kele na Mpeve-Santu? Ya kele nyonso mpusa ya nzutu,

mpe mwa mwana ya fyoti me butuka mutindu mosi. Na yawu, beto nyonso “me butuka na kati ya disumu, ba me yidika beto na kati ya disumu ya nkú, me kwiza na yinza na kuzonzaka baluvunu.” Yina, ya kele mitindu ya yawu na Masonuku.

¹³ Na yawu, mpe kuna Menga ya Yesu Klisto ke sukulaka mpe ke katulaka masumu samu na mwana ya fyoti yango. Kana yandi kufwa, yandi ke kwenda mbala mosi na Ntwala ya Nzambi, kana yandi kubutukaka na bibuti ya kulutila masumu na yinza, tii ntangu yandi ke kuzwa mvula ya kulunga kisika yina yandi ke zaba mbote mpe yimbi. Mpe na manima yina yandi ke sala, kubanda kuna, ba ke lemvokila yandi yawu. Ya ke lomba na yandi na kubalula bantima katuka kuna. Kasi na yina yandi kele mwa mwana ya fyoti. . .

¹⁴ Ntangu yayi, ya kele nzila yina beto ke na kumeka na kulanda, awa na tabernacle. Ya kele kaka kisika yina na kati ya yinza yina mu ke kwendaka, na kulonga Malongi, ya kele awa na tabernacle, samu ti yayi kele dibuundu ya beto. Mpe beto ke longaka Malongi awa samu na kubumba bantu na nzila. Bantu yankaka, na mabuundu ya bawu, ke longaka yina bawu ke kwikilaka. Mpe ba kele bampangi ya munu ya babakala, mpe beto lenda kuzwa baluswaswanu fyoti, kasi beto kele dyaka bampangi ya babakala dyaka mutindu kaka mosi. Mpe, kasi awa na tabernacle, beto ke longaka yina beto banza kele Malongi ya Masonuku. Mpe, na kati kuna, beto ke mona samu na mbiekolo ya bana, yina beto ke kubokilaka mbiekolo, mbala kaka mosi na kati ya Biblia yina beto lenda kutala, to kisika na kati ya Ngwisani ya Malu-malu kisika bana ya fyoti me kuzwa kima ya kusala, to Klisto kuzwaka kima ya kusala na bawu na nkinzi, ya vwandaka, ntangu Yandi bakaka bawu na maboko ya yandi mpe tetikaka maboko ya Yandi na zulu ya bawu mpe sakumunaka bawu, mpe tubaka, “Beno bika bana kukwiza na Munu. Beno yimina bawu ve, samu ti mutindu yina kele Kimfumu ya Nzambi.”

¹⁵ Ntangu yayi, beto me bikana, mutindu beto me bakula, na kulanda na kusala kisalu yina Yandi kwizaka na—na kulungisa. Lufwa ya Yandi na Calvaire, Yandi vwandaka na beto mpe Yandi katukaka. . . basikaka na Nzambi, na yinza, me vutuka na Nzambi, to me katuka yinza na Nzambi, mpe me kwiza dyaka na nzutu ya Mpeve-Santu, mpe kele na beto, na kati ya beto, tii nsuka ya yinza, ke na kulandila na kati ya Dibundu ya Yandi mutindu mosi ya kisalu na yina Yandi kusalaka ntangu Yandi kuvwandaka awa na ntoto. Mpe, na nzila ya yina, beto ke nataka bana ya beto mosi na mosi, na milongi, mpe samu bawu kusambila bawu, kutentika maboko ya bawu na zulu ya bawu mpe kusakumuna bawu na Nzambi. Kaka mwa nkinzi samu na kutuba ti beto zola yina Mfumu me sala samu na beto mpe bana ya fyoti.

¹⁶ Ntangu yayi, kana mwana ya beno ba mwangisaka yandi

maza, to mutindu nyonso yina ya kele na dibuundu ya beno, beno yindula. Beto ke tuba ve kima ya yimbi na yawu. Ya kele nyonso ya kulunga. Kasi, landila Masonukwa, beto ke tala kisika kaka mosi, yina kele kisika yina Yesu kusakumunaka bawu, Yandi mosi. Ya kele yina mu ke tanga, kana Mfumu zola, na kati—na kati ya Ndinga awa. Beto ke tala, na kati ya Santu Luc . . . Mu ke kwikila ti ya kele na kapu 10, mpe beto banda na nzila ya 13.

Mpe ba vwandaka nata bana ya fyoti na yandi, samu ti yandi kutetika bawu maboko: kasi bilandi ya yandi nganinaka bawu yina nataka bawu.

Kasi ntangu Yesu kumonaka yawu, yandi kunyongaka, mpe tubaka na bawu, Beno bika bana kukwiza na munu, mpe beno kuyimina bawu ve: samu ti kimfumu ya Nzambi kele mutindu yina.

Ya kieleka mu ke tuba na beno, Muntu yina ke ndima ve kimfumu ya Nzambi mutindu mwana ya fyoti ke kota kuna ve.

Mpe yandi me baka bawu na maboko ya yandi, mpe me tula maboko ya yandi na zulu ya bawu, mpe me sakumuna bawu.

¹⁷ Ya ke mbote mingi? Yandi tubaka, “Ntangu yayi, beno bika bana ya fyoti kukwiza na Munu. Beno kuyimina bawu ve, samu ti mutindu yina, Kimfumu ya Nzambi, kele mutindu mwana ya fyoti.” Mpe Yandi kubakaka bawu na maboko ya Yandi mpe sakumunaka bawu.

¹⁸ Ntangu yayi, mutindu beto ke zola, na suka yayi, kana beto lendaka kuzwa Yesu ya kuvwanda, na kimuntu, awa na kisika ya malongi, beto kutuba, “Mfumu, Nge zola kusakumuna mwana ya munu?” Oh, yinki . . . mutindu meso ya beto ya kimuntu mpe bantima ya beto ke na kupela na kumona yawu. Kasi Yandi kele awa, na mutindu nyonso, samu ti Yandi kupesaka beto lutumu ya kusala yawu. Mpe, yina beto me sala, na yawu Yandi ke zaba yawu. Mutindu beto ke yambaka bayina Yandi tindaka, kuyamba Yandi yina tindaka yandi, beno me mona. Na yawu, Yandi kele awa na suka yayi. Mpe kana Mpangi-kento Gertie lendaka kwiza na piano mpe kubula nkunga ya beto ya ntama yina beto vwanza yimbaka bilumbu me luta, yayi, “Beno nata bawu, beno nata bana ya fyoti na Yesu.” Mu banza ti ya kele na kati ya buku kuna kisika. Mu banza ve. “Beno nata bana ya fyoti na Yesu.” Mpe kana beno kele na mwa mwana ya fyoti, mwa mwana ya fyoti yina ba me sakumuna ntete ve, mpe ti beno zola kusakumuna yandi na suka yayi, mbote, beto ke sepela na kusala yawu.

¹⁹ Mpe ya kele na balongi na kati ya yinzo yayi, milongi yina ke zola kwandi kukwiza mpe kutelama na beto awa na yina beto ke bieka bana yayi na Mfumu? Beto ke sepela na kuzwa beno, na yina beno ke na kwiza. Mbote, ya kele na kati ya buku kuna? Nge

me tala yawu, Mpangi Neville? Ya kele kuna ve. Mbote, bantu yikwa zaba yawu, *Beno Nata Bawu Na Kati*? Mbote, beto yimba yawu ntangu yayi. Beto nyonso kintwadi, na yina bamama ke na kunata mwa bana ya bawu. Mbote mingi. Mbote.

. . . bawu na kati, beno nata bawu na kati,
 Beno nata bawu na kati na ngaanda ya bilanga
 ya disumu;
 Beno nata bawu na kati, beno nata bawu na
 kati,
 Beno nata na Yesu bayina me zimbana.
 Beno nata bawu na kati, beno nata bawu na
 kati,
 Beno nata bawu na kati na ngaanda ya bilanga
 ya disumu;
 Beno nata bawu na kati, beno nata bawu na
 kati,
 Beno nata bana ya fyoti na Yesu.

Beto lenda kulumusa bayintu ya beto mwa ntangu fyoti.

²⁰ Tata ya beto ya Mazulu, ya kele ya kutelama pene-pene ya autel na suka yayi bamama mpe batata ya kusimba bankuna ya bawu ya fyoti na maboko ya bawu, yina Nge me pesa bawu na bumbote. Ba ke na kuvutula matondo mingi samu na bawu, Mfumu, mpe ba ke na kunataka bawu awa na zulu ya autel na suka yayi, na yinzo ya Nzambi, samu na kusakumuna bawu, kupesa baluzingu ya bawu na Nge. Nge me pesa. Mpe beto ke sambila, Nzambi, ti Nge kudikisa mpe kusakumuna mosi na mosi ya bawu. Ntwadisa bawu, mpe ti Bawanzio ya Nzambi yina ke kengilaka kukaya meso na mosi na mosi. Pesa bawu baluzingu ya yinda ya kufuluka na nsayi mpe kyese. Ti ba kukula samu na kuvwanda babakala mpe bakento ya Nzambi, ya mbasi, kana ya kele na mbasi.

²¹ Nzambi, beto ke lomba ti Nge kutelemisa milongi mpe baprofete mpe milongisi na kati ya nkonga ya mwa bana ya fyoti yayi yina kele pene-pene ya autel na suka yayi. Mpe na yina beto ke kuma biboba mpe ti beto lenda ve kukwenda ntama, ti muntu fwana nata beto katuka kisika na kisika yankaka, ti beto kulenda na kutelama mpe kuwa Nsangu ya mbote kulongama na nzila ya bayayi yina kele awa bubu yayi. Pesa yawu, Mfumu. Mpe ti kilumbu mosi ya nkembo ntangu nyonso ke manisa, baluzingu ya beto me suka, ti bibuti yayi yina kele pene-pene ya autel, ti beto kuvwanda mutindu Jacob ya ntama ntangu yandi sakumunaka bana ya yandi nyonso mpe yina tubaka na bawu mutindu ke vwanda nsuka ya bawu na kilumbu ya nsuka. Na manima talaka na zulu, tubaka, “Beno zaba, mu ke vukana na bantu ya munu.” Mpe kilumbu mosi ya nkembo, yandi mpe nyonso ya bankuna ya yandi, ke vukana kintwadi na Ntoto mosi ya kulutula mbote. Kukondwa ntembe ti Balaam kutubaka, “Ti

nsuka ya munu kuvwanda mutindu ya yandi.” Nzambi, mu ke lomba ti Nge kupesa balusakumunu yayi na zulu ya bibuti.

²² Mpe ntangu yayi na yina beto ke tetika maboko na zulu ya bawu, wapi—wapi ya kulutila mbote. . . Mpe wapi mutindu ya kulemvuka ti Nge me sala yawu, Mfumu, ti beto bantu ya ntoto kuzwa bweso ya kusakumuna bana ya fyoti na Nkumbu ya Nge, na kuzabaka yayi, ti, yina beto ke lomba, ke pesama na beto. Na yina beto ke sakumuna bawu, ti Yesu, Muntu yina ke monanaka na bantu nyonso ve, Yina kele na ngolo nyonso kutelama pene-pene mpe kusakumuna konso mwana na yina beto ke na kutetika maboko ya beto na zulu ya bawu mpe ke na kupesa bawu na Yandi. samu ti beto me lomba yawu na Nkumbu ya Yandi. Amen.

²³ Mpangi Glenn Funk, yandi kele na bana tatu ya fyoti ya yandi yina ba ke sakumuna na Mfumu. [Kisika ya mpamba na bande—Mu.]

. . . na mwa kibumbulu ya bilele, ntama kuna na node ya yinsi, Nge silaka mwana yayi na munu. Tata, bika ti balusakumunu ya Nge kuvwanda na zulu ya yandi.

Joseph, mwana ya munu ya bakala, mu me pesa nge na Nzambi. Mpe ti luzingu ya nge kuvwanda lusakumunu. Bika ti nge vwanda profete, Joseph. Bika ti lemvo ya Nzambi kuvwanda na nge. Bika ti Nzambi ya tata ya nge, Mfumu Yesu Klisto, kusakumuna nge, kusala luzingu ya nge lusakumunu ya bantu yankaka.

Na Nkumbu ya Yesu Klisto, mu me sakumuna yandi. Amen.

²⁴ [Kisika ya mpamba na bande—Mu.] . . . beno zola bana ya fyoti? Ya kele na kima na bana ya fyoti yina konso mama ke zolaka ti mwana ya yandi ba sakumuna yandi.

Ntangu yayi, yina kele mutindu Tata ya beto ya Mazulu kele na beto bakuluntu na suka yayi. Yandi zola ti mosi na mosi ya beto kuvwanda ya kusakumuna. Yandi ke tula na ntwala ya beto mwa kima mosi, ke pesa beto yawu na maboko, mutindu ya kutuba, “Tala, Mu zola ti nge kuvwanda ya kusakumuna, mwana ya Munu.” Yandi kele mbote mingi ve? Na yawu beto ke zola mutindu ya Tata ya Mazulu ya mutindu yina.

²⁵ Ntangu yayi, na kati ya balusakumunu ya mwa bana ya fyoti, beno zaba, mu vwanda tanga kaka awa na Masonuku kilumbu yankaka yina, kisika mosi awa, ya vwandaka na Ngwisani ya Ntama, ti, kima ya nene yina mu—mu zolaka kieleka kutanga. Yawu yayi, kaka awa. “Mpe Nathanaël tubaka na David, ‘Sala nyonso yina kele na kati ya ntima ya nge, samu ti Nzambi kele na nge.’” Beno me mona? “Sala yina kele na kati ya ntima ya nge.” Mpe bambala mingi mu—mu me talaka yayi, nkundi ya Muklisto, ti mu me zonza bima na kuzabaka ve yina mu ke tuba, mpe kutala yawu kusalama. Yinki beno ke tuba!

26 Ba tubaka kilumbu mosi, Yesu katukaka na mongo mpe Yandi kumonaka yinti yina vwandaka na kima ve na zulu ya yawu, kaka makasa na makasa, mpe ya vwandaka ve na mbuma, mpe Yandi tubaka, “Ti katuka ntangu yayi muntu mosi ve ke kudya diaka mbuma ya nge.”

27 Mpe kilumbu yina vwandaka landa, na kulutilaka kuna, bantumwa kumonaka makasa kuyuma. Yandi tubaka, “Beno tala mutindu na nswalu yinti me yuma.”

28 Yesu tubaka, “Beno vwanda na lukwikilu na Nzambi; samu ti kima nyonso yina beno ke na yawu nsatu, ntangu beno ke sambila, beno kwikila ti beno ke kuzwa yawu mpe beno ke kuzwa yawu. Mpe bima nyonso yina beno ke tuba, beno ke kuzwa yina beno me tuba.” Beno banza na yawu. Oh! Mpe mu banza ti bubu yayi, ti Mpeve-Santu ya nene ya Nzambi, yina kele ya kutelama awa na autel, beno ke tuba . . . Mbote, ya fwana vwanda ya kubongisa ve. Ya fwana vwanda ve kisika mosi ya nene yina ba fwana yidika malembe-malembe.

29 Jacob kubakaka ditadi kilumbu mosi mpe tulaka yintu ya yandi na zulu ya yawu, mpe ya kele dyaka ya kuzaba bubu yayi mutindu Ditadi ya Scone. To, Ditadi ya Scone, ti bantu ya nene ya ntoto ke baka dyaka ditadi yango bisika nyonso, samu ti ba ke byadisaka bantinu na zulu ya ditadi yayi, kaka ditadi ya ntama ya mpamba yayi kuna na kilanga.

Béthel vwandaka kaka kikunku ya matadi na zulu ya mosi na yankaka, mpe ya kumaka yinzo ya Nzambi, kisika ya kuzingila. Jacob tubaka, “Yayi kele kisika yankaka ve kana kaka yinzo ya Nzambi.” Kaka kikunku ya matadi na zulu ya mosi na yankaka.

30 Ya ke sosa ve bima ya nene ya mpasi. Ya ke kukondwa mpasi mpe lukwikilu samu na kukwikila, ya kele yina ya ke na kusosa. Ya kele yina ke salaka yawu.

31 Ntangu yayi, na kuzabaka ti ntangu ke na kukwenda, beto ke meka na kusimba beno na ntangu ya mingi ve, na kuzabaka ti mwini kele ngolo mpe dibuundu kele ya kufuluka na bantu. Na yawu mu ke zonza na beno kaka ntangu fyoti na suka yayi, na mwa dilongi mosi awa yina mu banza . . . Mu banza ti ya ke sadisa beno. Mpe ntangu yayi mu, ntete mu katuka yinzo, mu vwandaka me sonika mwa bima tatu to yiya. Mu tubaka, “Mu ke vingila mpe kumona yinki Mfumu ke zola ti mu kuzonzila ntangu mu ke kuma kuna.” Mu vwandaka me sonika na kutala mwa bima sambanu awa, malongi ya fyoti, mpe mu vwandaka me sonika mosi, mu me tula na kati ya posi mutindu yayi. Mu vwanda banza, “Mbote, ntangu mu ke kuma na kisika ya kulonga mu banza ti Yandi ke tuba na munu kima ya kuzonzila.” Ntangu yayi mu kele kaka ntama mingi ve na kisika mu vwandaka. Na yawu, na mutindu nyonso, mu ke tanga Masonuku awa, Mfumu kusadisa beto na kubakula Yawu. Kapu ya 14 ya Santu Luc, mpe

ti beto kubanda na kutala makumi tatu n- . . . nzila ya 31 ya kapu 14 ya Santu Luc.

To wapi ntinu, kana yandi zola kunwanisa ntinu yankaka, ke vwanda ntete ve, mpe ke tala kana yandi ke lenda na bantu mafunda kumi yina kele na yandi na kukutana na yandi yina kele na bantu mafunda makumi zole?

To dyaka, na yina yandi kele kana . . . kele dyaka ntama, yandi ke fidisa mwala, samu na kulomba ngemba.

Mutindu mosi, muntu nyonso ya beno . . .

³² Mu zola beno kutala mbote. Ntangu yayi, na ntete Yandi tubaka . . . Ya kele kingana. Yandi tubaka, “Ntangu yayi, ya kele na ntinu yina ke na kukwiza, mpe yandi kele na mafunda makumi zole ya basoda; mpe ntinu yayi ke kwenda kutana yandi, mpe yandi kele kaka na mafunda kumi ya basoda. Na yawu kuna, na ntete, yandi ke vwanda na yisi mpe ke kumiyufula kana yandi kele ya kuyilama, kana yandi lenda sala yawu to ve.” Mbote.

. . . ya beno yina ke bika ve bima nyonso yina kele na yandi, yandi lenda ve kuvwanda kilandi ya munu. (Beno me mona?)

³³ Ntangu yayi ti Mfumu kuyika lusakumunu ya Yandi na Ndinga yayi. Ntangu yayi beto kulumusa bayintu ya beto kaka ntangu fyoti.

³⁴ Tata ya beto ya Mazulu, Nge Yina zaba bima nyonso, mpe ke talaka na muntu ve, samu ti yinki kele muntu samu Nge banza na yandi? Nge salaka muntu, mpe yandi kele kaka mutindu fololo ya mfinda: bubu yayi yandi kele kitoko, mbasi ba me zenga, ba me tula na tiya, mpe yandi me futama. Mpe mu ke sambila Nge, Nzambi, na kusala beto lemvo bubu yayi mpe ti mosi na mosi kufyongonina bubu yayi. Beto kele awa mutindu na kati ya yinzo ya masembo. Beto kele awa samu na kulongoka mpe samu na kuzaba mutindu ya kuzinga, mpe ti ya kukatuka na Ndinga ya Nge bubu yayi, O Nzambi ya Kukonda nsuka. Mingi ya bana ya Nge me vukana awa, mpe mingi ya bawu kele bana ya Nge kubanda bamvula, kasi, dyaka, beto nyonso me vutuka na yinzo ya Nzambi, samu na kulongoka, samu na kuzaba. Mpe munu, kisadi ya Nge, zola kuzaba mingi na yina me tala Nge. Mpe mu ke sambila ti Nge ke pesa lutwadusu ya kimpeve ya Nsangu ya mbote na zulu ya beto nyonso, na zulu ya kisadi ya Nge, mpe ti Mvwandulu ya Nge, mpe ke na kutwadisa beto na kimpeve bisika nyonso na yinzo yayi, ke vwanda nene mingi bubu yayi, ti beto ke kwenda, na ntima ya beto, na luzolo ya kuvwanda bisadi ya mbote ya Nge, ti ya ke vwanda ngundi samu na beto na kuvwanda awa. O Nzambi ya mawa, pesa balusakumunu yayi na Nkumbu ya Yesu, Mwana ya Nge. Amen.

³⁵ Ntangu yayi ti Mfumu kubwela balusakumunu ya Yandi na Ndinga mutindu beto me tanga. Mu zola kubaka yintu ya dilongi na suka yayi, yina, “Bampeve ya luvunu to Ndinga ya Nzambi?” Ntangu yayi, ya kele dilongi mosi ya ngitukulu, kasi na yina beto kele na kati ya tabernacle . . . Mpe na Kilumbu ya tatu na nkokila yina me luta . . . Na suka ya Lumingu yina vwanda me luta mu vwanda zonzila na mwa Nsangu mosi ya mbote ya jubilé.

³⁶ Mpe nkokila ya Kilumbu ya tatu yina me luta mu vwandaka longi na zulu ya kento yina vwandaka na musanga na yintu ya yandi, to . . . Yandi kuzimbisaka mosi ya mbongo ya yandi ya kisengo, yandi vwandaka komba yinzo mpe vwandaka meka na kutala yawu ntete bakala ya yandi kukwiza. Mpe beto bakulaka ti kento yango vwandaka mutindu ya kento ya Esete, mpe yandi . . . mpe vwandaka lakisa Dibuundu. Mpe mulunga ya makwela ba vwanda lwata yawu ve na musapi. Ba vwanda lwata yawu na yintu, na bambongo yivwa ya bisengo na yawu. Mpe ntangu kento vwanda kuma ndumba, ba vwanda katula mbongo mosi ya kisengo mpe ya vwanda lakisa ti yandi vwandaka ndumba. Mpe na yawu kento yayi kuzimbisaka mosi ya bambongo, ndumba ve. Kasi bakala ya yandi vwandaka ntama, mpe yandi vwandaka meka na kusala mbangu na kutala mbongo yango, samu na kuvutula yawu na musanga ya yandi, samu ntangu bakala ya yandi ke kwiza yandi ke zaba ti ba simbaka yandi na kati ya kindumba, mpe ya zolaka tuba kufwa ya makwela mpe nyonso yina. Mpe landila ntangu fyoti mu tulaka yawu na dibuundu, yina zimbisaka bima mingi ya nene. Mpe ya kele ntangu samu na Tata na kwiza, na yawu beto fwana sosa yawu. Ntangu yayi, na kuzabaka na dibuundu, mpe tabernacle ya beto . . .

³⁷ Mpe mu—mu zola kuzonza na zulu ya *Bampeve Ya Luvunu*, yina na bukielika ke vwanda *Bampeve Ya Yimbi*. Beno ke kuwaka mingi na yina me tala bampeve ya yimbi, na bilumbi yayi, kasi beno ke kuwaka kaka fyoti na wapi mutindu ya kukatukila na yawu. Beto nyonso kele—kele ya kuzaba ti ya kele na bampeve ya yimbi, kasi, kima yankaka kele, wapi mutindu ya kukatukila kima yango. Mpe ntangu yayi ya kele . . . Me kuzwa, na nzila ya lemvo ya Nzambi, balwaku mingi na kutala na kusala bima yayi bampeve ya yimbi, mpe kukutana bawu na kisika ya kulonga mpe na nzila ya kilumbu nyonso, mpe, mbote, mu zola kutala na Masonuku na suka yayi mpe kutala kaka yinki kele bima yango.

³⁸ Ntangu yayi, beto me salaka yawu na kati ya ntangu ya kusalu ya kubeluka, ntangu nyonso na lweka ya kubeluka. Cancer, kuvimba na nzutu, cataracte, koso-koso ya menga, bima nyonso yina kele bima ya kimuntu ve, ya kele bima ya kimpeve mpe kele bampeve ya yimbi. Masonukwa me singisa yawu pwelele. Kasi ya kele bampeve ya yimbi na kati ya nzutu, yina ke menaka, mutindu cancer, ya kele na luzingu na kati ya

yawu, mpe luzingu ya yawu kele mpeve ya yimbi. Kumena ya cataracte, kutsyamuka ya koso-koso ya menga, mpe bimbevo yankaka yina, ya kele bampeve ya yimbi. Yina kele na mutindu ya nsuni.

³⁹ Ntangu yayi, na suka yayi beto ke zonzila—zonzila na yina me tala bampeve ya yimbi na mutindu ya kimpeve na kati ya moyo. Ba kele na kati ya moyo mutindu mosi ba kele na kati ya nzutu. Mpe beto fwana kundima ti beto ke monaka bawu na kati ya banzutu ya bantu, mutindu ba-cancer mpe—mpe mutindu yankaka ya bimbevo yina kele na kati ya nzutu ya muntu.

⁴⁰ Kaka ntama mingi ve, ba vwanda me tuba ti cancer mpe kele kimbevo ya kitezo ya yiya, ti ya kele na kitezo yankaka. Kieleka, ya kele bampeve ya yimbi. Konso kimbevo kele kimbevo ya kitezo ya yiya, na kubanda ya yawu.

⁴¹ Ntangu yayi, kasi ntangu yayi cancer na kati ya nzutu to cancer na kati ya moyo, mpeve ya yimbi lenda kota na kisika yayi to na yankaka. Ntangu yayi, ya kele na bantangu mingi mpe ya kele na bantu mingi na mabanza ya mbote yina. . . mpe bantu ya mbote yina ke mekaka bambala mingi na—na kuvwanda na zulu ya mwa théologie yina kele na bawu, to kima yina ba tubilaka bawu katuka bumwana, mpe dyaka bawu ke tala na kuluta nyonso ya luzingu ya bawu, kuna na moyo ya bawu, ti dyaka ba kele na kima yina ke na kutambula mbote ve. Beno, mingi kele awa na suka yayi, kukondwa ntembe kisika nyonso beno ke tala Miklisto kuvukana kintwadi, beno ke tala bantu yina kele na bampeve yango na kati ya bawu, ti bawu. . . Ya kele kima ya kuzola ve. Ba zola yawu ve. Ba ke tuba, “Oh, kana mu lendaka kaka kubika kuvuna! Kana mu lendaka kaka kubika kulula! Kana mu lendaka kaka kubika *yayi to yina!*” Ntangu yayi, yayi kele bampeve ya yimbi. Mpe, ntangu yayi, ba ke kwizaka na mutindu ya nsambulu, bambala mingi. (Na yina ya kele lukolo ya Lumingu, ya kele ntangu ya kupesa malongi, na yawu beto tala yayi.) Ntangu yayi, ba ke kwizaka na mutindu ya lukwikilu, bambala mingi.

⁴² Ntangu yayi, na Masonuku, kilumbu mosi, ya vwandaka na muntu na nkumbu ya Josaphat, muntu ya nene, musambidi. Mpe yandi kwendaka na ntinu yankaka yina vwandaka ntinu ya—ya Israël. Mpe yandi, Josaphat, vwandaka ntinu ya Juda. Mpe yandi kulumukaka kuna na kutala Achab, ntinu ya Israël, mpe bawu kukangamaka mingi kintwadi, mpe salaka ngwisani na mosi na mosi, samu na kwenda nwana na Ramoth na Galaad. Mpe ba salaka yawu kukondwa ntete kusambila.

⁴³ Oh, kana bantu lendaka kaka kubakula! Ya kele samu na yina mu me kwiza na suka yayi mpe me lomba beno na kubambuka moyo na munu na yina mu ke zyeta. Na nyonso, beno sambila!

Muntu mosi kwizaka kilumbu mosi mpe tubaka, “Mpangi Branham, nge banza ti ya kele mbote na kusala kima yayi?”

⁴⁴ Mu tubaka, “Samu na yinki beno ke na kukiyufulaka na yina me tala yawu?” Beno me mona? Kana ya kele na kyuvu na kati ya dibanza ya beno, beno bika yawu, beno sala yawu ata fyoti ve. Beno vwanda kaka na yawu. Ntangu beno ke bandaka na kusala kima, mpe kana ya kele kyuvu kana ya kele mbote to yimbi, beno vwanda ntama na yawu. Beno kota ata fyoti ve na kati ya yawu, kuna yina beno ke zaba ti beno kele ya kusungama.

⁴⁵ Ntangu yayi, ba fwana tala bima nyonso na zila ya bisambu, ntete. “Beno sosa ntete Kimfumu ya Nzambi mpe bumbote ya Yandi, mpe bima nyonso yayi yankaka ke bwelama.” Mu ke ndima kieleka na suka yayi, kana babakala mpe bakento lendaka kaka kukota na lweka ya kisika moyo ya bawu, mabanza ya bawu, nkadulu ya bawu, kuvwanda ya kulunga na meso ya Nzambi, yina ke vwanda mosi ya mabuundu ya kulutula ngolo na yina vwandaka ntete.

⁴⁶ Beno tala mbote mwa ntangu fyoti na yina me tala kimuntu. Ntangu yayi, beto kele, ke, bambala mingi, me kuzwa bamvula mingi, beto me kuzwa yina ba ke bokilaka “kitesolo-luvunu.” Beno lenda tula yawu na diboko ya beno, kutula yawu na yintu ya beno—ya beno, mpe beno lenda kota kuna mpe kumeka nyonso ya beno na kusala luvunu kuwakana mutindu kieleka, mpe ya ke lakisa ve ntangu nyonso, samu ti muntu ba salaka yandi ve na kuvuna. Kuvuna kele luvunu, kima ya ngolo, kima ya yimbi. Mu ke zola kuvwanda na munwi-malafu na munu, kilumbu nyonso, kulutula na muntu ya luvunu. Beno me mona? Muntu ya luvunu! Mpe nzutu ya beno ba kusalaka yawu ve samu na kuvuna. Ata wapi mutindu beno kele musumuki, beno kele dyaka mwana ya Nzambi yina kubwaka. Muntu ya kulutula masumu na mbanza yayi bubu yayi, Nzambi kusalaka beno ve na kuvwanda muntu ya masumu. Yandi zolaka ti beno kuvwanda mwana ya bakala to mwana ya kento ya Yandi. Beno kele ya kusala na nkadulu Mosi ya Yandi. Kasi disumu me nata beno na kusala yawu. Mpe ata wapi mutindu beno ke meka na kumekula mpe ke meka na kumonikisa luvunu kieleka, ba kele na masini yina ke lakisa ti ya kele luvunu. Beno lenda zonza yawu kukondwa yimbi mutindu beno zola, kasi ya ke lakisa dyaka ve; samu ti ya kele na dibanza ya kati kuna na kati ya kimuntu, mpe dibanza ya kati yina zaba yinki kele kieleka. Mpe ata nyonso yina beno ke tuba awa, kati ya ntima kuzaba ti ya kele luvunu, mpe ya ke lakisa yina ya dibanza ya kati.

⁴⁷ Na yawu, kana bakala to kento lendaka kuma na kunata mabanza ya bawu, mpe kimbangi ya bawu mpe baluzingu ya bawu ya kusungama mingi na Nzambi (amen) tii nzila ya Mpeve-Santu ke vwanda kieleka mosi na Nzambi, yinki ke salama! Kana bakala mpe kento lendaka vwanda ya kusungama, na

kimpwanza na ntima ya bawu, na lukwikilu yina me katuka ntama na kati ya ntima!

⁴⁸ Bantu mingi ke kwizaka na autel samu ba sambila bawu, ba ke na lukwikilu ya mayela. Ba ke fungula masumu ya bawu mpe ke vukana na dibuundu, na nzila ya lukwikilu ya mayela. Ba ke kwikilaka yawu na dibanza ya bawu—ya bawu. Ba ke kwikila yawu samu bawu me kuwa yawu. Ba ke kwikila yawu samu ba me zaba ti ya kele mutindu ya kulutila mbote. Kasi yina kele ve yina Nzambi ke talaka. Yandi ke talaka ve na lukwikilu ya beno ya mayela.

⁴⁹ Yandi ke talaka na ntima ya beno, kisika na kati ya Nzambi. . . Mpe ntangu yawu ke katuka na ntima, kuna bima nyonso lenda salama. Kuzonza ya beno ke kutana na luzingu ya beno. Luzingu ya beno ke zonza na ngolo mingi kulutila kundima ya beno.

⁵⁰ Kasi ntangu kundima ya beno ke tuba kima mosi, mpe luzingu ya beno kima yankaka, ya kele na kima mosi ya luvunu kisika. Yina kele samu beno kele na lukwikilu ya mayela, mpe ve lukwikilu yina me katuka na ntima ya beno. Mpe yina ke lakisa na ngaanda, *awa*, ya kele na luzabu ya Nzambi; kasi na kati, *awa*, ya kele na mpeve ya yimbi ya ntembe. “Mu ke kwikilaka na lunyakusu ya Kimpeve, kasi ya kele samu na munu ve.” Beno me mona? “Ah, ya lenda vwanda kieleka, kasi mu ke kwikila yawu ve.” Beno me bakula yawu? Na ngaanda, beno ke tuba “yinga”; na kati, konsiansi ya beno ke tuba “ve.” Kima kaka yina ya mayela ya kimuntu ke lakisa ti ya vwandaka kieleka ve, ke lakisa yawu.

⁵¹ Beno tala na yina bantinu yayi, ntete ba kubanda, ba zolaka. . . Ntete Josaphat kusala ngwisani na Achab, yandi zolaka tuba ntete, “Ti beto sambila mpe beno mona yinki kele luzolo ya Mfumu.”

⁵² Beno pesa munu mulongi, beno pesa munu Muklisto, beno pesa munu kento ya yinzo yina kele Muklisto, beno pesa munu kisadi-bilanga, to kisadi ya kompani, yina ke tula Nzambi ntete na nyonso, mu ke lakisa beno muntu yina ke nunga na kati ya nkele nyonso yina dyabulu lenda tula na zulu ya yandi. Yandi ke sosa Nzambi, ntete. Beto fwana kuzwa ntete. . .

⁵³ Kasi ba salaka yawu ve. Ba vwandaka na bayintu ya kifuluka na matuti samu ti Achab vwandaka na kimfumu ya nene mingi, mpe ti yandi salaka bima nyonso ya nene, mpe vwandaka na kutalana ya yandi ya nene, wolo ya yandi mpe mbongo ya yandi, vwandaka ya nene, muntu yina nungaka, kasi mumpani.

⁵⁴ Mpe ya kele kisika yinza kele bubu yayi. Ya kele kisika Amerique me telama bubu yayi. Ya kele kisika mabuundu ke telama bubu yayi. Beto me tunga mabuundu ya kuluta na yina ba tungaka ntete. Beto me kuzwa bantu ya mayela mingi

kuluta bayina beto kuzwaka ntete. Beto me longisa théologie ya kulutula, mpe nyonso yankaka yina, mpe me longoka na kuyimba mutindu Bawanzio, kasi dyaka ya kele na kulemba kisika mosi. Ya kele na kulemba, samu ti ba me basika na manima ya malongi ya muntu mpe bampeve ya yimbi, na kisika ya kuvutuka na Ndinga ya Nzambi. Ba ke meka na kusala bima mutindu yinza. Ba me meka na kutula minda ya ngolo na zulu ya yawu, mutindu Hollywood.

⁵⁵ Awa kilumbu yankaka, denomination mosi ya kuzabana, Nsangu ya mbote ya Muvimba na kizunga ya Kansas City, to, lemvo ya beno, na Denver, na lukutakanu, ke na kutungaka dibuundu ya difuku mosi ya ba-dollar. Mpe mafunda ya misiyoni ke na kuvingilaka makumi tanu ya ba-cents kukatuka na denomination mosi, samu na kunata Nsangu ya mbote na mimpani. Yina beto kele na yawu nsatu bubu yayi kele reveil yina ke tala na kisalu ya misiyoni, yina Nzambi me fidisa, yina me butuka na Mpeve-Santu, yina ke kudipesa na Nzambi, na kukota na bamfinda kuna mpe kusala kima samu na Nzambi, na kisika ya kutunga mabuundu ya nene, ya mbote mpe kumeka na kulutula mfinangani.

⁵⁶ Mu ke zola mingi kukembila na kisalu, kisika ba me yidika, to na nganda, mpe kuzwa kimpwanza ya Mpeve-Santu mpe luzolo ya Nzambi yina ke na kupela na kati ya bantima, na kisika ya kuvwanda na kati ya cathédrale ya nene yina beto kele na yawu na yinza mpe kukangama na malongi mpe ba dogme ya muntu. Yina beto ke na yawu nsatu bubu yayi kele reveil yina ke ningisa, yina ke vutula na Kieleka, yina ke vutula na Ndinga ya Nzambi dyaka.

⁵⁷ Ntangu yayi, ntangu ba basikaka kuna, mpe ya vwandaka na manima ya mwa ntangu fyoti Josaphat mutindu me vutuka na yandi mosi mpe me tuba, “Ve ti . . . Mbote, bika beto kuyufula Mfumu na yina me tala yayi.”

⁵⁸ Yandi tubaka, “Mbote,” Achab kusalaka yawu, mpe yandi fidisaka na kwenda baka nkama, nkama yiya ya milongi ya mbote yina longokaka. Mpe yandi nataka bawu kuna mpe tubaka, “Bawu nyonso yayi kele bantu yina ke pesa profesi.”

⁵⁹ Mpe na yawu bawu me kota na kisalu ya bawu, mpe bawu me banda na kubokila. Mpe bawu me tuba, “Ee, kwenda na ngemba. Mfumu kele na nge.”

⁶⁰ Mpe kuna na manima ti bawu nyonso nkama yiya yango kupesaka kimbangi ti ba lenda kwenda na ngemba, kasi Josaphat vwandaka zaba . . . Beno ke na kutala yawu? Beno me mona, na yisi ya ntima ya muntu yayi ya kusungama kuna vwandaka na kima yina vwandaka tuba na yandi ti kima mosi ke na kutambula mbote ve kisika mosi. Kima mosi vwandaka tambula mbote ve.

61 Achab tubaka, “Ntangu yayi beto me kuzwa nkama yiya awa, mpe ya ntima mosi, konso mosi ya bawu me tuba, ‘Kwenda, Mfumu kele na nge.’”

Kasi Josaphat tubaka, “Nge kele dyaka ve na mosi yankaka?”

62 Yandi tubaka, “Mbote, yinki beto ke sala na mosi dyaka, na manima beto me kuzwa na kati ya yinsi nkama yiya ya bantu ya kulongoka mbote? Bawu nyonso me tuba ‘Kwenda!’” Yina vwandaka ya mayela. Kasi na yisi ya ntima ya Josaphat yandi zabaka ti ya vwandaka na kima yina vwandaka tambula mbote ve. Ntangu yayi, yandi tubaka, “Beto kele na mosi dyaka, yandi kele Michée. Kasi mu ke yinaka yandi.” Yandi tubaka, “Yandi konso ntangu ke tubaka mambu ya yimbi, mpe ke salaka makelele na yina yandi kele ve na kimalu ya kusala, mpe yandi ke zonzaka yimbi ya mabuundu mpe nyonso.” Yandi tubaka, “Mu ke yinaka yandi.”

Yandi tubaka, “Kwenda, baka yandi, mpe bika beto mona yinki yandi ke tuba.”

63 Mpe ntangu Michée kwizaka, yandi tubaka. . . Ba tubaka, “Ntangu yayi, tala, nge tuba kima mutindu mosi na bayankaka ya bawu.”

64 Yandi tubaka, yandi tubaka, “Mu ke tuba kaka. . .” Yawu yayi. “Mu ke tuba kaka yina Nzambi ke tuba.” Amen. “Ata yina profete ya beno me tuba, mpe yina *yayi* me tuba, mpe yina dibuundu ya beno me tuba, mpe yina ba me tuba, Mu ke tuba yina Nzambi me tuba. Nzambi me tula na bikobo ya munu mpe mu ke tuba yina Yandi ke tuba.” Yina beto ke na yawu nsatu kele ba-Michée mingi yina ke tuba yina Nzambi tubaka. Beno tala, na yawu ba nataka yandi kuna, mpe yandi tubaka, “Pesa munu mpimpa yayi.” Na yawu mpimpa yango Mfumu kutanaka na yandi, mpe yandi vutukaka suka yina vwandaka landa. Ntangu bantinu nyonso zole vwandaka ya kuvwanda na mwelo, yandi tubaka, “Mata.” Yandi tubaka, “Mata. Kasi,” yandi tubaka, “mu me mona Israël mutindu mameme ya kumwangana kukondwa mvungi.”

65 Na yawu mosi ya milongi yayi, ya kulwata mbote, me belama mpe me pesa yandi mbata na yinwa, mpe me tuba, “Na wapi nzila Mpeve ya Nzambi me kwenda ntangu Yawu me katukila munu?”

Yandi tubaka, “Nge ke zaba yawu ntangu nge ke vutuka.” Yinga.

66 Yandi tubaka, “Beno kuwa awa!” Yandi tubaka, “Beto kele bisadi ya Nzambi. Beto kele nkama yiya, mpe nge kele nge mosi.”

67 Kasi Michée tubaka, “Mu ke tuba na beno kisika kele dyambu ya beno.” Amen! Yandi tubaka, “Mu monaka vision.” Amen! Yandi tubaka, “Mpe mu monaka Nzambi ya kuvwanda na zulu ya kiti ya Yandi ya kintinu. Mu monaka basoda ya Mazulu ya kutelama pene-pene ya Yandi. Mpe beto zaba ti Ndinga ya

Nzambi kulosaka bansingulu na zulu ya muntu yayi, katuka mutindu yandi kusalaka.”

⁶⁸ Beno lenda sakumuna ve yina Nzambi losaka ndoko, mutindu mosi dyabulu lenda ve kulosa nsingulu na yina Nzambi me sakumuna. Ya kele dyambu ya muntu na muntu, ata mutindu mputu to mutindu kizoba, mutindu kuzaba lukolo ve, mutindu muntu longokaka ve. Yina Nzambi me sakumuna kele ya kusakumuna. Yina Nzambi me losa nsingulu kele ya kulosa nsingulu. Beno zaba kusala luswaswanu na yina kele mbote mpe na yina kele mbote ve.

⁶⁹ Michée zabaka mbote-mbote ti ya vwandaka Mfumu ve yina vwandaka na milongi yina. Mbote, yinki vwandaka dyambu na milongi yango? Beno tala yina bawu kusalaka. Ba lwatisaka bawu mbote. Ba disaka bawu mbote. Ba vukanaka na mikembo ya bawu mpe nyonso, mpe bangwisani ya bawu, tii ba kumaka na kisika ba vwandaka zaba kaka théologie ya bawu mosi. Mpe Biblia ke tuba ti Michée, ntangu yandi vwandaka tala vision, yandi tubaka, “Nzambi tubaka, ‘Nani beto lenda baka na kukwenda na yisi kuna mpe kuvuna Achab?’ Mpe mpeve ya luvunu kutubaka, ‘Mu ke kwenda na yisi kuna mpe ke vuna Achab na nzila ya milongi yango, samu na kusala Achab kubasika kuna, samu ti Ndinga ya Nzambi kusalama.’”

⁷⁰ Ntangu yayi, bubu yayi bantu mingi ke na kuwa . . . (Ntangu yayi, lukolo ya Lumingu, mu zola yawu.) Beno tala, bantu mingi ke na kuwa na bampeve ya luvunu na kisika ya kubaka Ndinga ya Nzambi. Bampeve, ba kele na kati ya yinza. Ba kele bampeve ya yimbi. Mpe ba ke kotaka na bisika mpe ba ke kotaka na kati-kati ya bantu, milongi. Ba ke kotaka na kati-kati ya bamambele ya dibuundu. Ba ke kotaka na kati-kati ya bantu ya mbote. Mpe ba ke nata bawu na kukota, na dibanza mosi. Mpe bawu ke tuba bima, mpe ke sala bima, mpe ke longisa bima, mpe ke sala bima, yina kele ya kuswaswana na Ndinga ya Nzambi. Bubu yayi, milongi ya mabuundu ya bawu ke na kupesa muswa na bantu ya bawu na kubula bakalati na kati ya mabuundu, mingi ya bawu. Ntangu yayi, ya kele kaka Katolika ve, ya kele na mingi ya ba-Protestant yina ke salaka yawu.

⁷¹ Yina ba me meka na kusala kele mutindu ya kima. Ba me meka na kundima mwa manaka ya malu-malu. Ba me meka na kundima kulongoka, samu na kubaka kisika ya Mpeve-Santu. Beno lenda ata mbala mosi ve kusala yawu, ata wapi mutindu mbote muntu ya beno kele ya kulongoka. Mu banza ti ya kele kima ya mbote samu na yandi na kuvwanda ya kulongoka. Kasi kana yandi kele ve na Mpeve-Santu na yawu, kulongoka ya yandi ke sala yandi ata mbote ve. Kulongoka ke baka ata mbala mosi ve kisika ya ntwadusulu ya Mpeve-Santu. Amen.

⁷² Beno tala, bawu, na kisika ya Yayi, bawu me meka na kundima kupesa mbote samu na kimbangi ya ntama yina beto

kuzwaka. Bubu yayi dibuundu me kuma ya mambu ya bilumbu yayi. Ba ke belama mpe ke pesa diboko ya bawu ya bakala samu na kimpangi, mpe yina kele na kutala mutindu ba ke salaka yawu. Kasi ata mbala mosi ve ti ya ke baka kisika ya kiti ya kulomba lemvo ya ntama kisika misumuki vwanda dila mpe vwanda sungama na Nzambi. Ya kele kieleka.

⁷³ Bubu yayi ba ke na kumekaka na kubaka kisika ya kikunku ya kumi ya Nzambi. Ba ke na kumekaka na kundima kima mosi. Ba ke na kumekaka na kusala yawu kima ya mutindu yankaka. Ba ke kwenda na yisi mpe ke bula nsaka ya loto na kati ya mabuundu, ke bula loto. Loto ata mbala mosi ve ke baka kisika ya kikunku ya kumi ya Nzambi. Bamadya ya nkokila, kuteka mavunga, kukwenda na bisika ya kusakana, kuvukisa mbongo samu na kufuta bamfuka, ata mbala mosi ve ti ya ke baka kisika ya kikunku ya kumi mpe dikabu ya Seko ya Nzambi. Ata mbala mosi ve ti ya sala yawu. Kasi dyaka beto ke na kumeka na kusala yawu.

⁷⁴ Yinki ya kele? Ya kele bampeve ya luvunu yina ke na kukulumuka, na kumeka na kufw- . . . kuyingisa kima samu na Ndinga ya Nzambi. Nzambi kele na kiyingilu mosi ve samu na Ndinga ya Yandi. Ya kele Seko mpe ntangu nyonso. Nzambi kele na kima ve ya kuyinga lukwikilu. Lukwikilu kele na kiyingilu mosi ve. Kivuvu ata mbala mosi ve ke baka kisika ya lukwikilu. Lukwikilu kele yandi mosi. Yawu ke telamaka yawu mosi. Ata mbala mosi ve ti yawu ke baka . . . Ata mbala mosi ve ti kivuvu ke baka kisika ya yawu. Kivuvu kele kima ya bima yina beto ke na kusala kivuvu, kimbangi ya bima yina beto ke mona ve, to lukwikilu kele, na kisika. Beno me mona? Kivuvu kele kima mosi; lukwikilu kele kima yankaka. Kivuvu ke salaka kivuvu samu na yawu; lukwikilu ke na yawu. Mosi kele lukwikilu ya mayela; mpe yankaka kele mbala mosi luzayikisu ya Nzambi. Ata mbala mosi ve ti ya ke baka kisika ya yawu. Beto ke na kumekaka, kasi beto ke na kusalaka biyingilu yayi nyonso yayi.

⁷⁵ Beto ke na kumekaka na kutunga mabuundu ya nene na kisika ya kufidisa ba-missionaire. Kiyingilu yankaka. Ata mbala mosi ve ti Yesu pesaka lutumu na muntu nyonso na kutunga yinzo-Nzambi. Ata mbala mosi ve ti ba pesaka lutumu yina na kati ya Biblia. Beto me sala baseminere, ba me bika yawu kubaka kisika ya ba-missionaire. Beto. . . Ata mbala mosi ve ti Yesu tubaka na beto na kutunga baseminere. Ya kele mbote mingi. Malongi ya lukolo, kumeka na kunata yawu na kubaka kisika. Ata mbala mosi ve ti ya lenda sala yawu. Kisalu ya Yesu vwandaka “kukwenda na yinza nyonso mpe kulonga Nsangu ya mbote na konso kivangu,” samu na ntangu ya nsuka. Na yawu ata mbala mosi ve ti biyingilu nyonso yina kele na beto ke baka kisika ya kieleka.

⁷⁶ Kilumbu yankaka yina mu kuzwaka nzingulu mosi, ya kiyingilu. Mbala ntete ya kubela dinu, ya lungaka ti ba katula

munu dinu. Na suka yayi mu kele na dinu ya luvunu ya kukangama na kati kuna. Na mpasi mu lenda zonza. Ata mbala mosi ve ti ya ke baka kisika ya kieleka yina. Ve, tata! Oh, la la!

⁷⁷ Beno lenda baka muntu mpe kulwatisa yandi, kuyidika yandi na yinti, na lupemba, na nyonso yina beno zola, mpe kuyidika yandi mutindu beno lenda. Yandi kele na ata kutala ya nzutu, ata konsiansi ve. Ata mbala mosi ve ti yandi ke baka kisika ya muntu ya kieleka. Mutindu mosi na kusoba nkadulu ya luvunu yina ke belama mpe ke tuba, “Mu me vukana na dibuundu. Mu ke meka na kusala mbote.” Ata mbala mosi ve ti ya ke baka kisika ya nsalulu ya ntama ya kieleka, yina Nzambi fidisaka, kubalula bantima ya Mpeve-Santu yina ke salaka muntu mutindu yankaka na kati ya ntima ya yandi. Ya lenda ve kusala yawu, samu ti ya kele ve na Luzingu na kati ya yawu. Kima kele ve samu na kupesa yandi Luzingu.

⁷⁸ Awa ntama mingi ve mu monaka artiste ya nene yina salaka yayi, sculpteur, mu zola tuba, yina salaka kizizi ya Moïse. Mu me zimbana nkumbu ya yandi ntangu yayi. Yandi kele artiste Grec. Ya bakaka yandi luzingu ya yandi nyonso. Mpe na yina yandi manisaka yawu na yawu kisika yandi banzaka ti ya vwandaka ya kulunga mingi, yandi kumaka na nsayi mingi na kizizi ya Moïse, na yawu yandi bulaka dikulu ya yawu, mpe tubaka, “Tuba, Moïse!” Ya talanaka ya kieleka mingi! Ya vwandaka fwanikisa mingi ya kulunga tii ya talanaka mingi mutindu Moïse, na dibanza ya yandi, ti yandi bulaka yawu na kikonko samu ti yawu tala kima na nzutu.

⁷⁹ Ya ke nata dibuundu kubanza. Ata wapi mutindu beno ke yingisa, mutindu nene kele dibuundu ya beno, mutindu beno ke yimbaka mbote minkunga, mutindu mbote dibuundu ya beno ke lwataka, mutindu beno kele na *yayi, yina*, to kima *yankaka*, beno lenda bula, mutindu ya kutala na nzutu, nyonso. Ata mbala mosi ve ti ya ke baka kisika ya Luzingu, tii Klisto ke kulumuka na mutindu ya Mpeve-Santu, na kati ya dibuundu, mpe kupesa yawu nzingilu ya malu-malu ya lubutuku ya malu-malu. Ata mbala mosi ve ti ya ke baka kisika ya Ndinga ya Nzambi. Ndinga ya Nzambi ke telamaka yawu mosi.

⁸⁰ Michée vwandaka na Ndinga. Yandi zabaka ti yandi vwandaka na Ndinga. Yandi vwandaka na Ndinga ya kusonama, yandi vwandaka na Yawu mpe na nzila ya vision. Yandi zabaka yinki Nzambi tubaka na Ndinga ya Yandi. Yandi zabaka yina Nzambi tubaka na nzila ya vision. Bawu nyonso zole vwandaka vukana. Yandi zabaka ti ya vwandaka Kieleka, na yawu yandi vwandaka ve na boma.

⁸¹ Kasi mpeve ya luvunu yayi, beno tala yina ya me sala, bubu yayi. Samu na kusala bamambele mingi ya dibuundu, samu na kusala bamambele ya mbote ya dibuundu, ya me bwisisa bikaku nyonso ya ntama ya malongi ya Mpeve-Santu. Ya me pesa muswa

na babakala na kusala mikembo kintwadi na mosi na yankaka, kuna na yisi ya yinzo kisika ba ke bulaka bansaka. Ata mbala mosi ve ti yina ke yingisa kivinga ya zulu, kisika ba vwanda sambila samu na Mpeve-Santu. Ya me pesa muswa na bakento na kuvukana mpe na kusala bansaka mpe bima, mpe kusala bima nyonso ya buzoba yina kele na luvalu ve. Ata mbala mosi ve ti ya ke baka kisika ya lukutakanu ya bisambu. Bakento, mutindu ba ke basikaka mpe ke lwataka bubu yayi, ya kele—ya kele kukondwa lemvo.

⁸² Mu vwanda me kuwa kuyindula yina Mpangi Neville vwandaka me sala, yandi tubaka, “Kyadi na bantu ya Amerique,” yandi tubaka, “ba me fidisa bilele ya bawu nyonso na bayinsi yankaka.” Ya kele kieleka. Ba ke na kutambulaka bisika nyonso na bilele ya bawu ya kati. Bawu. . . Ya kele kieleka. Ba zolaka pesa yawu na bamisyoni, samu ti bamisyoni. . . bantu mpe mimpani na bayinsi yankaka ke na kulwataka yawu. Bantu yayi ke na kukipe yawu ve, na kutala mutindu ti bawu zola yawu.

⁸³ Mu ke tuba na beno, ya kele na kima ba me bebisa, mpe yina kele dilongi ya Nsangu ya mbote ya Mfumu Yesu Klisto. Ya kele bampeve ya yimbi ke salaka beno kukatula bilele. Ata mbala mosi ve ti ya me vwandaka na muntu mosi na kati ya Biblia yina me katulaka ntete bilele ya yandi, ya vwandaka muntu yina vwandaka na mpeve ya yimbi. Mpe yandi ke kota na mutindu ya malembe bubu yayi, mutindu yandi kele muntu ya kintwadi, mutindu yandi kele mbote, mutindu ya kele nyonso mbote. “Ya kele na madidi mingi, mpe ya ke sala beno madidi mingi kana beno katula bilele ya beno.” Babakala ke tambula bisika nyonso na bibanzala, mpe ya ndambu kinkonga, mpe bakento mutindu mosi. Samu na yinki, beno me kuma na kisika ya kele dyaka ve na buzitu na mosi na mosi, ti ba lenda kuzwa na bayimbwa. Yinki kele dyambu? Mu ke na kumekaka ve na kusala beno mpati. Mu ke na kumekaka kaka na kutuba na beno ti ya kele kuvwanda na mpeve ya yimbi, mpe beno ke kuwa bampeve ya luvunu yina kutuba na beno, “ya kele ya kulunga,” kasi ya kele luvunu.

⁸⁴ Mbuma ya blé ke buta kaka blé. Kana beno kele Muklisto, beno ke sala yawu ve. Beno lenda ve kusala yawu. Beno lenda kaka kusala yawu ve. Beno kele na lukwikilu ya mayela mpe beno ke tuba, “Mpangi Branham, mu ke kwikila Biblia.” Luzingu ya beno ke tuba ti beno ke kwikila ve. Amen. Bampeve ya luvunu ke na kutelemina Ndinga ya Nzambi.

⁸⁵ Yandi zabaka kisika yina yandi vwandaka ya kutelama, Michée zabaka. Yandi vwandaka na Ndinga ya Nzambi. Yandi vwandaka muntu ya kuzabana ve. Muntu ve vwanda zola yandi samu ti yandi vwandaka tuba Kieleka, ata nyonso yina ba vwandaka zola milongi yayi.

⁸⁶ Ntangu yayi, kima yankaka vwandaka me salama. Mu ke kwikila mpe mu ke banza ti bakala nyonso yina kuzwaka

kimbangi na Nzambi, to kento, kieleka ke kuzwa mwa kuningana ya nzutu. Mu ke kwikila kaka yawu. Ya kele kieleka. Kasi beno zaba yinki? Ba me ndima kuningana ya nzutu na kisika ya mbotika ya Mpeve-Santu. Ba ke kuzwa kaka makelele mingi, mpe ya kele na kima ve na kati ya yawu. Beno zinga kaka mutindu santu mutindu beno ke zinga na makelele, kuna nyonso ke vwanda mbote samu na beno. Bakuningana ya nzutu kele kieleka mbote; “bangalasisa ya nzutu ke salaka mwa mbote.” Kasi bampeve ya luvunu me kota na kati ya nkonga ya bantu ya santu, mpe me nata bawu na kutelama kaka na zulu “samu ba lenda boka” to “samu ba lenda bina, samu ba lenda sala kuningana ya nzutu.”

⁸⁷ Kiboba ya kulemvuka yina kuna, mfumu ya bapofete ya bawu nyonso, milongi, yandi vwandaka kieleka ya kundima ti yandi vwandaka na mpemba, ti yandi kusalaka samu na yandi mosi mampoka zole mpe yandi vwanda bina bisika nyonso, mpe yandi vwandaka sala muvusu ya nene. Yandi zolaka vutula manima basoda yankaka yina ya Assyrie na ngaanda ya yinsi. Kasi ya vwandaka luvunu! Ndinga ya Nzambi tubaka mutindu yankaka. Amen. Beno me mona, beno lenda kuzwa kuningana ya nzutu ya kulunga, kana beno kuzwa mutindu ya kuningana ya nzutu ya kulunga na manima ya yawu, mutindu ya kuningana ya nzutu ya kulunga yina ke twadisa kuningana ya beno ya nzutu.

⁸⁸ David kubinaka na ntwala ya Mfumu, mpe kento ya yandi kusekaka yandi. Mpe Nzambi talaka na yisi ya Mazulu, tubaka, “David, nge kele muntu landila ntima ya Munu Mosi.” Kasi bamitifi ya yandi vwandaka ya kulunga. Luzingu ya yandi vwandaka ya kulunga, na manima ya yawu.

⁸⁹ Na yawu, kaka samu beto lenda kuzwa kuningana ya nzutu, ya zola tuba ve ti beto me vuluka. Samu beto ke kwendaka na dibuundu, ya zola tuba ve ti beto me vuluka. Beno kwikila ve bampeve ya luvunu yina. Mpeve ya kieleka ya Nzambi, Ndinga ya kieleka ya Nzambi, kele Kieleka ya Nzambi; yina kele Nkuna ya Nzambi, ya ke buta Nzambi na kati ya luzingu ya beno; ya bunzambi, ya kuvedila, ya santu.

⁹⁰ Na kati-kati ya bantu mingi beto ke tala kisika bakuningana ya nzutu kele, mpe nyonso yina, ya kele na bakuzonza yimbi ya bampangi mpe kutonga, mpe mutindu nyonso ya bima ya kinzambi ve. Mpangi-bakala, yina kele acide sulfurique na kati ya dibuundu. Ya kele ngolo ya mpeve ya yimbi. Mpeve mosi na babakala mpe bakento bayina ke vukana, mpe ke meka na kunata, na kutuba, “*Yayi* kele ya mbote ve, mpe *yayi* kele mbote ve, mpe *yina* kele mbote ve.” Kana beno landa yawu na yisi, bambala yivwa na zulu ya kumi ya kele muntu kaka yina ke na kusala muvusu, yandi yina kele ya kulunga ve. Amen. Nzambi ke yinaka kukabwana na kati ya bampangi. Beno vwanda na buzitu, beno vwanda ya santu, beno zola Nzambi, beno telama pene-pene ya Yandi. Mpe ntangu nyonso yina beno zaba ti

luzingu ya beno kele na kiwisa na Biblia, na ntima ya kuvedila, dibanza ya kuvedila, zola na bampangi ya beno, ke na kumeka na mutindu nyonso na kutunga Kimfumu ya Nzambi, mpe kusala bima yango, kulwata mbote, kuzinga mbote, kuzonza mbote, kukwenda na bisika ya mbote, kuna beno lenda kuzwa bakuningana ya beno ya nzutu nyonso yina beno zola, mpe muntu nyonso ke kwikila yawu.

⁹¹ Yesu tubaka, “Benno kele mungwa ya ntoto. Kana mungwa zimbisa ntomo ya yawu, katuka kuna ya kele mbote samu na kima ve, ba ke losa yawu mpe makulu ya muntu ke dyata yawu.” Kana beno kele kaka mungwa ya mpamba, ya kele ata mbote ve. Kasi kana beno kele na luwu na kati ya yawu, beno ke vwanda mungwa mpe yinza ke vwanda na mpwila. Benno kuma na mungwa, ba ke vwanda na mpwila. Oh, la la!

⁹² Bampeve ya luvunu ke na kukwenda na ntwala, bampeve ya yimbi ya kubumbama. Benno tala, beto kele na kilumbu ya nsuka. Beto kele na ntangu ya nsuka. Yinza kele kaka na kutala me belama na kukwiza na yintu ya yawu, mutindu nsonso ya mpasi kisika yawu ke pasuka mosi ya bilumbu yayi mpe yina kele na kati-kati ke basika mbala mosi. Ya ke pesa nsatu ya kuluka. Ya kele na ata mafuta yina lenda belusa yawu. Ba me manga serum. Ba me manga mutindu ya kubelusa kimbevo. Benno baka nsonso yina ke na kumena kuna, mpe kana beno kubaka ve pénéicilline to kima samu na kufwa yawu, to kima yankaka, ya ke landila kaka na kumena tii ya ke pasuka.

⁹³ Yina kele yina yinza me sala. Ya kubandaka, ntama mingi ve, na kubikaka kaka. Ba me kwenda na dibanza ya nene, bampeve ya luvunu me kota mpe me banda na kutuba na bantu *yayi*, *yina*, to *yankaka*. Beto me kabuka na bankama yivwa mpe kima ya mutindu yankaka ya denomination, mosi na mosi na dibanza ya mutindu yankaka. Ba ke tuba, “Beto ke kwikila *yayi*, ya me suka! Kaka yina beto ke kwikilaka.” Ba lenda bika ve Mpeve-Santu kukwiza na kati. Ba lenda ve kuzwa nzila ya ntete. Nzambi kuzwaka nkonga ya bantu yina lendaka kuboka, na manima muntu nyonso zolaka kuboka. Ba kuzwaka ndambu yina lendaka kuzonza na bandinga ya malu-malu, na manima muntu nyonso zolaka kuzonza na bandinga ya malu-malu. Ba kuzwaka nyonso mutindu yayi, tii ya me kuma (yinki?) kieleka ya kupola na bampeve ya luvunu, bantu ya luvunu na kusala bakuningana ya nzutu yayi na yina ya kele na ata Nzambi ve na kati ya yawu na nyonso. Na manima ba ke basika mpe ke zinga mutindu nyonso ya luzingu yina ba zola kuzinga, mpe kuna kubokila yawu “Muklito.”

⁹⁴ Mpe yinza ke vwanda mpe ke tala, ke tuba, “Mbote, benno tala kuna! Mu kele mbote mutindu bawu kele.”

⁹⁵ Mutindu mu vwandaka tuba mpimpa yankaka yina na yina me tala ngulu, na yina me tala musumuki. Benno lenda

ve kunganina...Musumuki kele musumuki. Kumeka ve na kubongisa yandi. Kumeka ve na kutuba na yandi *yayi, yina, to yankaka yina*. Yandi kele musumuki, na kubanda. Yandi kele ngulu, na kubanda. Yandi zaba ata mutindu yankaka ve. Kana yandi kwenda na yinzo ya bizizi, mpe yandi kwenda na Lumingu, mpe yandi kwenda na nsaka ya nkweswo, mpe ti yandi kusala bima nyonso yayi, yandi kele musumuki, na kubanda. Nkadulu ya yandi kele mutindu ya ngulu. Kiboba ya ngulu ke kwenda kotisa mbombo ya yandi na kati ya kikunku ya matiti ya kubola mpe kudya bambuma nyonso ya yawu, mpe nyonso; mbote, ti, yandi kele ngulu. Beno lenda ve kusemba yandi. Yandi kele ngulu. Yina kele nzila na misumuki. Kasi ntangu beno ke kwenda mpe ke bokila beno mosi Muklisto, mpe ke kotisa mbombo ya beno na kati na yandi, kuna beno kele ya kulutila ve na kisika ya yina yandi kele, kasi, beno me lutila yimbi. Beno basika na kati ya yawu. Beno bika yinza. Beno bika. Ti Nzambi kuyala. Beno bika.

⁹⁶ Wapi mutindu ya kusala na kubika? Bantu mingi ke na kumiyufulaka bubu yayi, ke na kutuba, “Mbote, Mpangi Branham, wapi mutindu ya kusala na kubika?” Mu zaba ti beno me kuwa theologie mingi na zulu ya yawu, “beno bika.” Bantu mingi ke salaka ngolo mingi, na kumeka na kubika. Bantu mingi ke belama mpe ke tuba, “Mu vwanda zola kukota na kumanga na kudya bilumbu makumi yiya samu mu sala kima.” Beno ke na nsatu ve ya kumanga kudya bilumbu makumi yiya. Beno ke na nsatu ya kubika yinza mpe bima nyonso ya dyabulu yayi, mpe kubaka Ndinga ya Nzambi na kati ya ntima ya beno. Ba fwana longwa na beno wapi mutindu ya kusala yawu. Beno ke sala yawu ve na kudumukaka bisika nyonso, mutindu mosi beno ke sala yawu ve na kusalaka na kumanga kudya bilumbu makumi yiya. Beno ke sala yawu na nzila ya kupesa ntima na Nzambi ya Ngolo nyonso.

⁹⁷ Mutindu mwa mwana ya fyoti. Mu vwanda tala mwa mwana ya munu ya fyoti kuna na manima, mama ya yandi vwanda meka na kulwatisa yandi mwa kazaka ya yandi, na suka yayi. Yandi vwandaka zola kukotisa mwa diboko ya yandi na kati ya diboko ya kazaka. Yandi vwanda lenda ve na kutula diboko ya yandi na kati kuna; yandi zaba ve mutindu ya kusala. Beno fwana twadisa mwa diboko ya yandi. Yandi zola kukotisa diboko ya yandi na kati kuna, kasi yandi ke na kututa kaka bisika nyonso ya yawu. Ata mbala mosi ve ti yandi ke kuma na diboko ya diboko ya kazaka. Yandi zaba ti yandi kele ve na kati ya diboko ya kazaka.

⁹⁸ Mpe mutindu mosi beno zaba ti beno kele ve ya kusungama na Nzambi, na yina beno ke ntete na kuzonza yimbi ya bampangi, ke vuna, ke sala nyonso. Beno lenda kuvwanda ya kusungama ve na Nzambi, mu ke kipe ve lutangu ya mabuundu yina beno ke kwendaka, tii moyo ya beno ke soba nkadulu ve. Mpangi-bakala, yina kele mambu ya ntama, kasi ya kele yina ke

tokisa beno mpe ke tula supu na kati ya moyo ya beno. Kieleka!

⁹⁹ Kumeka na kutula diboko na kati, yandi fwana kuzwa muntu na kutwadisa yandi na kati, mutindu ya kukotisa diboko ya yandi na kati. Na manima ntangu yandi ke kotisa diboko ya yandi na kati ya mwa kazaka ya yandi, yandi zaba ti nyonso kele ya kulunga.

¹⁰⁰ Ya kele mutindu ya kele na konso Muklisto yina me butuka mbala zole. Ntangu yandi kieleka ke kota na Nzambi, yandi ke tala mbote luzingu ya yandi na Ndinga ya Nzambi mpe yandi ke mona ti yandi kele ya kusungama na konso kitini ya Yawu. Yandi ke vwanda na ntima ya yinda, kusalasana, swi, lembami, ngolo, lukwikilu, luzolo, kyese, ngemba. Yandi ke ningana kidi-kidi ve mutindu mubu ya kudasuka. Yandi ke tala ntima mpasi ve na mwa konso kima. Yandi ke dumukaka *awa mpe kuna* ve, mutindu sabuku ya liège na mubu yina ke na kuzwa mupepe ya ngolo. Yandi kele ya kuvwanda. Ntima ya yandi kele ya kuvedila. Mabanza ya yandi kele ya kuvedila. Balukanu ya yandi kele ya kuvedila. Nsodolo ya yandi kele ya kusungama. Mpe yandi zaba ti yandi kele ya kusungama na Ndinga ya Nzambi. Difelo nyonso lenda ve kuningisa yandi. Yandi kele ya kusungama na nzila ya Ndinga ya Nzambi. Yandi kele na luzolo ya Kinzambi, kuvedila na kati ya ntima ya yandi, samu na bakala mpe kento nyonso. Yandi kele . . . Yandi kele ntama na bima ya yinza, ya kele ya kufwa samu na yandi; yandi zola dyaka yawu ata fyoti ve. Kasi, beno lenda ve kusala mwana ya kento ya Mpeve-Santu kulwata bilele ya busantu ve mpe kubasika kuna samu na kima ve. Ve, tata.

¹⁰¹ Ntangu yayi, ya kele mpamba na kukwenda mpe kutuba na yandi ti yandi ke sala yimbi, samu ti yandi ke kwikila beno ve, samu ti ya kele nyonso yina yandi zaba. Yina kele kisalu ya yandi. Bakento ke lwata mwa bima yango yina; ba ke basika, na nkokila, kaka ntangu babakala ke na kukwiza na yinzo; ba ke kwiza kaka samu na kuzenga matiti na ngaanda ya lupangu, samu . . . Mpe beno ke tuba na munu ti ya kele ya kulunga? Bakento, mu zola kuzonza ve ti beno kele—beno kele bantu ya yimbi. Mu zola kuzonza ve ti beno kele ve na nkadulu ya buzitu. Kasi beno ke bakula ve, mpangi-kento, ti mpeve ya mvindu me yala beno. Samu na yinki beno ke sala yawu? Beno kele na mbakusulu ya kulunga na kuzaba ti ya ke sala madidi mingi ve. Ya ke sala tiya dyaka. Ya kele mpeve ya mvindu.

¹⁰² Beno ke tuba, “Munu? Munu, mu kwendaka na dibuundu!” Nebucadnetsar vwandaka muntu ya nene. Kasi, samu ti yandi kuzolaka kutalana na ntwala ya bantu, Nzambi pesaka yandi mpeve ya ngombe, mpe bikaka yandi kudya matiti bamvula sambwadi, mpe manzaka ya yandi kukulaka mutindu mwa yina bakento yayi ke salaka na kizunga awa. Ya kieleka. Mpe yandi vwandaka ya kuyala na mpeve ya yimbi.

¹⁰³ Bakala mosi vwandaka ya kuyala na mpeve ya yimbi mpe katulaka bilele. Ba lendaka ve na kutula yandi bilele. Beno me mona yina mu zola kutuba? Ya kele bampeve ya luvunu.

¹⁰⁴ Dibuundu ya beno ke pesaka muswa na yawu. Mulongi ya beno kele na boma ya kutuba kima, ke na boma ti beno kumanga na kufuta dyaka kikunku ya kumi ya beno. Beno tala dyambu ya yawu. Dyambu kele yina. Oh, bumbote! Wapi mutindu beno ke longa na nkonga ya ba-buse, kana beno sala bawu kusoba nkadulu ve mpe kusungama na Nzambi, na kubanda? Ba ke lutisa ntangu ya bawu nyonso na kusosaka bima ya kufwa. Yina beno ke na yawu nsatu kele kutula yawu na ngaanda, mpe ti reveil ya ntangu ya ntama kukombola kukatuka esete na wesete, mpe kunata babakala mpe bakento na kusungama na Nzambi. Beno bika, bima ya yinza! Beno bika, malongi ya pete-pete yina ke lembisaka kivyangu. Amen. Beno longa Nsangu ya mbote. Nzambi tubaka yawu. “Kana beno zola yinza, to bima ya yinza, zola ya Nzambi kele kwandi ve na kati ya beno.”

¹⁰⁵ Bantu lenda dumuka mutindu nyonso, mpe kuboka mpimpa nyonso, mpe kuzonza bandinga ya malu-malu mutindu ti ba ke na kulosa wandu na zulu ya mpusu ya ngombe ya kento ya kukawuka; kukwenda kaka, na suka yina ke landa, na nkadulu mosi ya kudasuka na kwenda nwanisa scie circulaire, kukwenda kaka mpe kutuba dyambu na dibuundu yina ke sala ti dibuundu ya muvimba kukabuka. Ya kele kima yankaka ve na yinza kasi bampeve ya luvunu, bampeve ya yimbi! Beno fwana vutuka na Ndinga, kisika Nzambi kele kuvedila, santu. Amen. Ya kele kieleka. Bampeve ya luvunu ke na kutelemina Ndinga ya Nzambi!

¹⁰⁶ Awa kele na bakala mosi, ntama mingi ve, yina kuzwaka mwa kento. . . Bantu ya Katolika kele na kumi na zole na zulu awa. Na ntangu ya yandi ya menopause, ya vwandaka basika na maboko ya yandi mpe na mbunzu ya yandi. Kana mulongi ya mbote ya Mpeve-Santu. . . mu banzaka. Bakala yina vwandaka na mbwata ya kima yina, yina vwandaka basika na maboko ya yandi, yandi vwandaka kwenda na kizunga vwandaka kusa bantu na yawu. Fiou! Kyadi! Ya kele mbeni ya Klisto! Mu ke kipe ve kana menga ke basika na mbombo ya yandi to vwandaka katuka na yintu ya yandi, to kisika, mpangi-bakala, ya ke vwanda na ata menga ve yina ke baka kisika ya Yesu Klisto Mwana ya Nzambi. Ya kele kaka Menga yina mu zabila. Yandi zolaka kuzwa mafuta yina vwandaka basika na diboko mosi, mpe vinu kubasika na diboko yankaka, kasi, kana beno sadila yawu na mutindu nyonso ya lukwikilu, ya kele dyabulu. Kumona mutindu milongi ke kubwa na mutindu ya bima mutindu yina!

¹⁰⁷ Yina beto ke na yawu nsatu, kuvutuka na Buku Ntwadisi, kuvutuka na Ndinga ya Nzambi! Yai kele Ndinga ya Nzambi, Biblia ya ntama ya kusakumuna. Beno ke tuba, “Mbote, mu ke na boma ya kukuma yina, Mpangi Branham. Mu ke na boma ti mu

zimbisa ndambu ya nsayi ya munu.” Yinki kele dyambu? Beno zaba ve yinki kele nsayi.

¹⁰⁸ Mu vwanda me tuba ti mu ke fundisa ve munwi-malafu na kubasika mpe kulawuka malafu. Yandi kele nyonso mutindu yankaka. Yandi zaba ve. Yandi ke vumbuka, na suka, yandi ke lakisa mutindu yankaka, ke tala mpasi na yintu. Yandi ke basika mpe ke kuzwa samu na yandi bambwata zole to tatu ya malafu, mpe ke basika mpe ke kuzwa mwa whisky, mpe bima nyonso ya mutindu yina.

Mwa muntu yina ke kunwaka tabaka ke vwanda kuna mpe ke kunwa tabaka, mpe ke basisa yawu na nzila ya mbombo ya yandi mutindu yandi vwandaka masini ya bima ya kuteka. Kaka yina. Mu ke nganina yandi ve; kaka kyesse yina yina yandi zaba. Kaka yina yandi zaba na kusala. Yandi kele ngulu, na nzila ya nkadulu.

¹⁰⁹ Kyadi na beno yina ke zonzaka ti kele Muklisto mpe yina ke kwendaka sosa kyese ya beno na bima ya mutindu yina, na yina Nsangu ya mbote ya Mpeve-Santu kele kima ve kasi mosi ya yinzo ya ngolo ya nene-nene ya kyese. Nsangu ya mbote ya Mpeve-Santu kele ya kulunga na kupesa ngolo samu na muntu nyonso yina kele kidi-kidi. Beno ke kunwa Nsangu ya mbote ya Yesu Klisto, ke fuluka na Mpeve-Santu, beno ke lawuka malafu tii beno ke katuka yinza yayi, amen, nsayi yina ba lenda ve kuzonzila mpe ya kufuluka na nkembo. Ya kele kuningana ya ntangu nyonso. Ya kele kupesa ngolo ya ntangu nyonso, kulawuka malafu na mwini mpe mpimpa! Amen. Yina kele Ndinga ya Nzambi.

¹¹⁰ Dibuundu ke kwiza, na kundima bima yankaka. Ba fwana kuzwa mwa mukembo mosi kisika bawu nyonso ke basika na kukwenda na plage, samu na kupema. Kubula bakalati kintwadi, samu na kubundana. Ya kele kieleka. Kuzwa ntangu ya makinu, ntangu yankaka, na yinzo ya mambele mosi, bantangu yankaka na yisi ya dibuundu. Kundima, makinu, samu na kumeka na kuzwa kima yina ke sala mbote. Yinki kele dyambu? Ba kele nkonga ya bangulu, na mutindu nyonso. Ba kele bangulu, na kubanda. Kana ba kutanaka ntete na Klisto, ba ke kuzwa kyese ya kulutila, ti bima yango ke vwanda ya kufwa mpe ya kudyama, samu na bawu. Nsangu ya mbote, ya kukola na Mpeve, kyese yina ba lenda ve kuzonzila mpe ya kufuluka na nkembo.

¹¹¹ Beno fundisa ve musumuki; beno vwanda na kyadi na yandi. Beno bika yandi kukwenda na ntwala mpe kunwa kinzu ya yandi, beno bika yandi kunwa malafu ya yandi ya ngolo, beno bika yandi kubula nsaka ya yandi ya bakalati. Yina kele kilengi ya yandi. Kunganina yandi ve. Ntangu yandi ke kota na yinzo mpe nyonso, ya kulemba mpe ya kukondwa ngolo, yandi ke zola mwa kilengi. Kima samu na beno na kusala kele kuzinga luzingu mosi ya kinzambi ti beno ke lakisa na yandi ti Nsangu ya mbote

ke na bambala kumi ya mafunda kulutila na yina, samu na yandi. [Kisika ya mpamba na bande—Mu.] Mpe kana yandi kufwa mutindu yina, yandi ke kwenda na difelo, na malafu ya yandi ya ngolo. Yina kele ngolo ya dyabulu. Kana yandi kufwa, na kunwaka dyaka kinzu ya yandi ya ntama yina, Nzambi kele Zuzi ya bawu. Kana yandi kufwa, na kubasikaka awa, na kubina, mpe ke kwenda tambula kizunga na bilele ya nkadulu ya buzitu ve, Nzambi kele Zuzi ya bawu.

¹¹² Kasi ya kele na kima mosi, kana beno kufwa na yisi ya kupakulama ya Ngolo ya Mpeve-Santu, mutindu Étienne salaka ntangu yandi talaka na zulu na kizizi ya Nzambi, yandi tubaka, “Mu ke mona Mazulu kufunguka, mpe Yesu ya kutelama na diboko ya kibakala,” beno kele na nzila ya Mazulu, mutindu hirondelle yina ke na kwenda na dizanza ya yawu. Amen.

¹¹³ Bampeve ya luvunu ke na kutelemina Ndinga ya Nzambi! Beno kumipesa, beno bika. “Wapi mutindu ya kusala yawu, Mpangi Branham?” Beno bika kaka. Kaka yina beno fwana kusala. Beno baka Ndinga ya Nzambi. Beno meka na kusala kima ve. Beno fukama na autel mpe beno bula yawu ve, na kubokaka ngolo, “Nzambi, pesa munu Mpeve-Santu! Mfumu, pesa munu Mpeve-Santu!” Yandi ke kwiza ve, na yina beno ke bula diziku yina. Yina ke sala ata mbote ve. Ve. Ya kele mutindu yina ve ti Yawu ke kwizaka. Ya kele, kubaka Yandi na Ndinga ya Yandi!

¹¹⁴ Beno tala Pierre. Pierre vwandaka na kati ya mpasi, ya vwanda tala mutindu ti yandi vwanda kufwa. Mpe yandi kumonaka Mfumu kukwiza, kutambula na maza. Mpe yandi tubaka, “Mfumu, kana ya kele Nge, sala ti mu kwiza.”

Mfumu tubaka, “Kwiza.”

¹¹⁵ Ntangu yayi Pierre tubaka, “Ntangu yayi vingila fyoti, Mfumu, bika munu kukwenda kumanga kudya bilumbu makumi yiya, samu na kumona kana mu lenda tambula na zulu ya maza yango, to ve. O Mfumu, bika munu kuzwa Mpeve ya kulutila na zulu ya munu, ti mu lenda kubina na Kimpeve mpe kuzonza bandinga ya malu-malu, na kati ya nzaza yayi, kuna mu lenda kwenda”? Ve, tata! Yandi bakaka Nzambi na Ndinga ya Yandi, beno kumipesa mpe beno bika. Nzambi bakaka yandi tii na kisika.

¹¹⁶ Yinki kana Nzambi kukutanaka na Moïse, mpe Yandi tubaka, “Moïse, kulumuka kuna na Égypte, mpe tuba na Pharaon, ‘Bika bantu ya Munu kukwenda’”? Yinki kana Moïse tubaka, “Bika mu kumanga kudya bilumbu makumi yiya, ntete, mpe kumona kana mu kele na lukwikilu mingi na kutumama na Nge, Nzambi. Pesa munu kima mosi, kima yankaka, Mfumu. Bika mu tuba na Nge kima, bika munu kumona kana mu ke kota na Kimpeve, ntete”? Ata mbala mosi ve ti Moïse kupesaka bakyuvu, yandi bakaka kaka Nzambi na Ndinga ya Yandi, mpe

kwendaka. Ya kele mutindu yina beno fwana kusala yawu, beno baka Nzambi na Ndinga ya Yandi. Kuna beno ke zaba ti beno ke lenda na kusala yawu. Yandi kuvingilaka ve tii kima yankaka kusalama, yandi kwendaka kaka na ntwala mpe salaka yawu.

117 Yinki ya kutuba na yina me tala Élie, ntangu yandi kulumukaka na Mongo ya Carmel, na yina yandi vwandaka kuna ntangu ya yinda? Mpe yandi kukutanaka kento mosi ya mufwidi ya mawa. Kento yango vwandaka . . . Kento yango vwandaka nzenza, muntu ya makanda. Mpe ntangu yandi kukutanaka kento yango kuna, kento vwandaka lokuta mwa bankuni, na ngaanda ya lupangu. Mpe Nzambi tubaka na yandi, “Kulumuka kuna na yinzo ya mufwidi ya kento yina.” Wapi kisika samu na mulongi na kukwenda!

118 Awa yandi ke na kukwenda na yisi kuna na yinzo ya mufwidi ya kento. Mpe ntangu kento salaka, yandi vwandaka na bankuni zole. Yandi tubaka, “Yinki nge ke na kusala?”

119 Yandi tubaka, “Ke na kulokutaka mwa bankuni. Mu ke kaka na faline ya kulunga samu na kusala mikati zole. Ya ke kaka yina me bikana. Ya me kuma bamvula tatu katuka beto me kuzwa mvula.” Mpe yandi me tuba, “Na yawu mu ke na kwenda sala mikati yayi. Mpe munu na mwana ya munu ya bakala ke kudya yawu, mpe kufwa.”

120 Yandi tubaka, “Sala ntete mosi, samu na munu!” Aleluya! Oh, mu zaba ti mu kele mwa ndambu kilawu, kasi mu kele na lweka ya Mfumu, na mutindu nyonso. Yandi tubaka, “Sala ntete mosi, samu na munu. Samu ti, MUTINDU ME TUBA MFUMU.” Beno bawu yayi.

121 Yinki ya kele? “Beno sosa ntete Kimfumu ya Nzambi, mpe mambu ya Yandi ya kudedama.” Ve Kimfumu ya Nzambi na “mwa makelele,” ve Kimfumu ya Nzambi na “mwa kuningana ya nzutu,” ve Kimfumu ya Nzambi na “mwa *yayi* to *yina*.” Kasi, “Nzambi, mpe mambu ya Yandi ya kudedama, mpe bima nyonso yankaka yayi ke bwelama na beno.” Beno pesa kisika ya ntete!

122 Ntangu yayi, mufwidi ya kento yango kuwaka yawu. “Lukwikilu ke kwizaka na nzila ya kuwa, kuwa na nzila ya Ndinga.” Kento yango tubaka, “Yina kele Ndinga ya Mfumu, samu ti yayi kele muntu ya santu ya Nzambi. Yayi kele profete ya Nzambi, mpe mu zaba ti ya kele Kieleka. Mpe yayi kele Ndinga ya Nzambi.”

123 Ntangu yayi, yandi kimaka bisika nyonso ve na kuyufulaka na bampangi wapi mutindu ya kusala yawu. Yandi zolaka ve na kukwenda kukabula ya yandi . . . mpe kutuba na bampangi, kutuba, “Ntangu yayi, yinki beno ke banza? Mulongi kele na yinzo ya munu, yandi ke na kutuba *yayi*. Susie, yinki nge ke banza samu na *yayi*?”

124 Yandi me kwenda na kati, me banda na kubasisa. Yandi me bika. Yandi me bika yina vwandaka na yandi, samu ti yandi

lenda kuzwa ya kulutila. Ya kele yina yinza kele na yawu nsatu bubu yayi, ya kele kubika ya mbote ya mutindu ya ntama na yina beno kele na yawu. Aleluya! Yandi basisaka, samu ti yandi kuzwa kufuluka. Yandi basisaka mafuta nyonso yina vwandaka na yandi, mpe nyonso ya mafuta yina vwandaka na yandi mpe faline nyonso yina vwandaka na yandi, samu na mulongi, samu na Kimfumu ya Nzambi. Mpe na yina yandi basisaka yawu nyonso kuna, Nzambi kulumukaka, fulusaka mbungu ya faline, fulusaka diyuki ya mafuta. Yandi basisaka yawu dyaka, na ndonga ya mulongi. Mpe Yandi kwizaka, fulusa dyaka yawu. Yandi kwizaka fulusa. Konso ntangu kento vwandaka basisa, Yandi vwandaka kwiza fulusa.

¹²⁵ Mu ke tuba, bubu yayi, kana bantu kubasisa buzoba nyonso yayi ya ngolo, mpe kulanda kufwanikisa ya Buklisto, mpe ti kubika Mpeve-Santu kubaka kisika ya Yawu, kuna ke vwanda na reveil ke banda na Bala-bala ya nana ya Penn yina ke baka yinsi nyonso. Beno bika buzoba. Beno vutuka na Ndinga ya Nzambi. Beno basisa na ngaanda, samu ti beno kufuluka. Beno bika, mpe Nzambi ke kwiza. Beno basisa na ngaanda, Nzambi ke fulusa. Bima nyonso ya fyoti, ya, “Beno fwana sala *yayi*, mpe beno fwana sala *yina*; mpe beno lunga kusala *yayi* mpe kulunga kusala *yina*.” Beno zimbana yawu! Beno basisa yawu na ngaanda ya moyo ya beno!

¹²⁶ Beno tuba, “Nzambi, bika ti munu, katuka nyonso yayi. . . kilumbu yayi, kuvwanda nyonso ya Nge. Mfumu, me kwiza na ntima ya kupasuka. Mu me kwiza na mpeve ya kuviluka. Mu zola Nge. Nge zaba ti mu zola Nge. Mpe mu zola kuzimbana buzoba nyonso yayi ya kumanga kudya ya bilumbu makumi yiya yayi mpe kumona kana mu lenda belama na Nzambi, mpe nyonso *yayi*, *yina*, *yankaka*, buzoba nyonso yayi.”

¹²⁷ Beno sukisa yawu! Ya kele na kima ve na kati ya Ndinga yina ke tuba na beno na kusala kumanga kudya bilumbu makumi yiya. Ata kima ve. Ya kele na ata kima ve na yinza yina ke tuba na beno na kumanga kudya, kana ti Nzambi ke tuba na beno. Kana beno kumanga kudya, beno ke kuzwa nsatu ya kudya ve, mpe bima nyonso yayi. Na yina beno ke kumanga na kudya, mpangi-bakala, beno ke vwanda na kyese mpe mayangi ntangu nyonso. Yandi tubaka, “Beno kutalana ve na ntwala ya bantu mutindu bantu ya luvunu ke salaka, ya kulemba, na kizizi ya kyadi. ‘Mu me kumanga kudya bilumbu makumi yiya. Meno ya munu ya luvunu ke simba dyaka ve. Mu me zimbisa kumi na tatu na ndambu ya nene, mpe ba tubaka na munu ti mu talanaka ya kulutila mbote na manima ya yayi.’” Oh, buzoba! Ya kele bampeve ya luvunu ya dyabulu.

¹²⁸ Telama na autel, mpe tuba “nkembo, nkembo, nkembo” tii beno ke lenda dyaka ve kutuba dyambu yankaka, mpe kutuba, “Beno fwana kuzonza na bandinga ya malu-malu ntete beno kuzwa Mpeve-Santu.” Buzoba! Beno basisa yawu na ngaanda!

129 Beno basisa yawu na mutindu ya beno mpe beno kwiza telama na zulu ya Ndinga ya Nzambi! Yandi tubaka, “Beno balula bantima, mosi na mosi ya beno, mpe beno kuzwa mbotika na Nkumbu ya Yesu Klisto samu na lemvo ya masumu ya beno, mpe beno ke kuzwa munkayulu ya Mpeve-Santu.” Kana Nzambi kukangama ve na Ndinga ya Yandi, Yandi kele ve Nzambi. Amen. Beno basisa na ngaanda. Beno vwanda ya kufuluka. Amen. Fiou! Mu zola yawu. Ya kele Ndinga ya Yandi. Nzambi tubaka yawu. Ya kele kieleka. Mpe na yina Nzambi tubaka yawu, Nzambi ke keba na yawu. Mbote. Bakukubika nyonso beno ke sala, kukwenda nyonso na dibuundu yina beno lenda sala . . .

130 Ya kele kaka mutindu na yisi awa na kompani ya kuyidika ba-wagon kisika ba ke salaka nkonga ya nene ya ba-wagon ya bima, to, nkonga ya nene ya ba-wagon samu na bantu. Mu vwanda salaka kuna. Mpe ba ke baka mpe ke yidika ba-wagon yango ya nene mpe nyonso, mpe ke tula yinti ya ngolo, acajou bisika nyonso, mpe bima nyonso kitoko mingi, ke bika yawu kuna na nzila ya masini, mpe ya vwandaka ya kufwa mutindu nsonso ya mwelo. Masini vwandaka kuna, kukondwa mupepe ya tiya na yawu. Yawu ke vwanda kuna.

131 Yina yawu ke na nsatu bubu yayi kele mwa tiya na nzungu ya nene. Yina yawu ke na nsatu bubu yayi kele mwa mupepe ya tiya. Yina yawu ke na nsatu bubu yayi, dibuundu, samu na kutoka; kima ya kutoka ya kulutula tiya yina kele samu na kutokisa disumu na kubasisa yawu na luzingu ya beno, ya kele luzolo. Mpe kana beno lenda ve kuzola mosi na mosi, wapi mutindu beno ke zola Nzambi Yina beno monaka ve? Luzolo ke fukaka masumu mingi. Beno kota na luzolo na Nzambi, kuna beno ke zola mosi na mosi, kuna beno ke zola dibuundu, kuna beno ke zola Dyambu, beno ke zola nyonso yina kele santu, mpe beno ke vwanda ntama na bima ya yinza.

132 Bampeve ya luvunu ke na kwenda bisika nyonso kutuba na bantu yayi, yina, to yankaka yina, “Ba fwana sala yayi. Ba fwana sala yina.” Ya kele samu ti ba-denomination yango me telama, mpe ba me kuzwa mwa luzayikisu ti ba ke tuba, “Mbote, ntangu yayi, mu ke kwikila ti muntu . . . mu ke kwikila na mwa kima ya mutindu kuboka na kati ya Biblia.” Ya kele ya kulunga. Ya kele kieleka. Ba me basisa denomination na yawu, “Ntangu beno ke boka, beno me kuzwa Yawu.” Kasi beno me kuzwa yawu ve.

133 Yankaka yina ke telama, ke tuba, “Kuzonza na bandinga ya malu-malu.” Ya kele ya kulunga. Ya kele na kati ya Biblia. “Mbote, ntangu beno ke zonza na bandinga ya malu-malu, beno me kuzwa Yawu.” Kasi mingi ya bawu kuzonzaka na bandinga ya malu-malu kasi kuzwaka Yawu ve. Beno me mona? Ya kele Yawu ve. Ve, tata.

Mingi ya bawu kutubaka, “Mbote, beto fwana kupesa profesi.”

¹³⁴ Beno tala baprofete yayi awa na mampoka na yintu ya bawu, kudumuka mutindu nyonso mpe vwandaka ke pesa profesi. Michée tubaka, “Beno, nyonso, ke na kuvuna.” Amen. Kieleka. Nzambi ke kwizaka mutindu yina ve. Nzambi ke kwizaka na ntima ya kusungama yina ke soba nkadulu, na mpeve ya kupasuka. “Yandi yina ke kwenda, na kunkunaka na mansangaza, ke vutuka kieleka na kyese, na yina yandi ke nata bita ya kitoko.” Amen. Beno kuzwa yawu mbote, nkundi.

¹³⁵ Ya kele na bampeve mingi ya yimbi, bampeve ya yimbi yina ke na kusalaka na kati ya mioyo ya bantu! Beno tala mbote kisika kele mbuma yina ke butama. Beno tala mbote mutindu ya luzingu yina muntu ke zinga. Beno mona mutindu bawu ke na kusala, beno tala mbote mutindu bawu ke na kusala, beno mona yinki kele mitifi ya bawu. Ya lenda kaka kusalama ve. . . Mpe kana mu me tuba na beno yawu, “Mutindu kaka. . . Awa kele na matoma, nyonso na mulonga awa. Mazulu kele na Charlestown. Beno lenda ve kutambula. Mutindu kaka yina beno lenda kwendila, kele na ditoma. Mpe konso muntu yina ke sabuka ndilu fwana nata balitele makumi zole ya lusanse.” Awa kele ditoma ya yandi, kasi kana yandi kele na lusanse ve yandi ke lenda ve na kunata yawu. Mbote, ya kele kieleka, kaka kieleka mutindu ya kele na Mazulu. Kana beno kufwa kukondwa Nzambi, mu ke kipe ve mutindu beno zingaka mpe lutangu ya matoma yina beno salaka, kana luzolo ya Nzambi kele kuna ve samu na kubenda beno na kati ya Kimfumu ya Nzambi, beno me zimbana.

¹³⁶ Ya kele na yimbi mpe mbote. Ata wapi mutindu mbote nsula yayi ke na kutambula awa, kana ya kele na singa ve na ntoto, ata mbala mosi ve ti ya ke baka. Ya kele kieleka. Ba fwana tula beno na yisi ya ntoto, ya kutunga na kati ya luzolo ya Nzambi. Oh, mpangi ya bakala! Beno nata yimbi mpe mbote yina kintwadi, beno ke kuzwa Nsemo, Nsemo ya mbote ya mutindu ya ntama ya Nsangu ya mbote. Beno bika Yawu kutsyamuka katuka simu yayi na simu yankaka. Ata mbala mosi ve ti beno ke kuzwa Yawu kukondwa yina. Ata mutindu ya kuningana mpe ya kudumuka beno lenda sala na mbote, beno fwana kuzwa singa na yisi ya ntoto samu na kupesa Nsemo. Amen.

¹³⁷ Beno me talaka ntete yawu? Beno tula singa ya yisi ya ntoto awa na zulu ya yawu, mpe nyonso ke kulumuka awa na sous-station, kuna na yisi ya ntoto. Mpe konso ntangu muntu ke kota na yisi ya ntoto mpe ke tungama na kati ya Ndinga ya Nzambi, yawu ke kotisa na ntoto mpe ke tunga yandi na Calvaire, kuna, kisika kizindu, poto ya kusimbidila ya Nzambi kunatamaka kuna, samu na kupesa Nsemo ya Nsangu ya mbote. Amen.

¹³⁸ Beno zaba yinki kele dyambu? Bantu na bayinzo ya nene yayi ya bamvumbi ya madidi awa, ke na kundima ti ba ke na kulonga Nsangu ya mbote. Mwa mulongi mosi kwizaka na munu mazono, yandi kele muntu mosi ya ba-denomination ya kulutula nene

yina kele na kati ya yinsi bubu yayi, kukatula Catholique. Yandi tubaka, “Mpangi Branham, ya me lutila munu.” Yandi tubaka, “Ba ke sala beto nyonso milongi kulwata bazwela mpe kubalula bakole ya beto, mpe—mpe kulonga mwa bima. Mpe ba ke tuba na beto yina ya kulonga, konso bamvula tatu.” Yandi tubaka, “Mu ke na kulendaka dyaka ve.” Yandi tubaka, “Yinki fwana mu sala? Mu fwana banda kulonga Nsangu ya mbote?”

¹³⁹ Mu tubaka, “Mpangi-bakala, ntangu nyonso yina nge kele na denomination yina, zitisa yawu. Nge tuba kaka yina ba fwana tuba. Kasi kwenda tala kuluntu ya beno to mukengi ya beno ya yinsi, mpe tuba, “Tata, mu me butuka mbala zole na Mpeve ya Nzambi. Tala Ndinga ya Nzambi. Kana beno ke bika munu kulonga Yawu, mu ke vwanda na dibuundu ya beno. Kana ve, mu ke kwenda. Yingisa munu na muntu yankaka.” Ya kele mutindu ya kusala yawu. Beno baka ve banzila yankaka. Beno vwanda yimbi ve. Beno basika mpe beno tuba yinki ya kele. Kieleka.

¹⁴⁰ Yandi tubaka, “Mpangi Branham, nge banza ti mu ke kuzwa dibuundu?”

¹⁴¹ Mu tubaka, “Kisika Mvumbi kele, Bangononi ke vukanaka.” Ya kele kieleka, ba ke kwiza.

¹⁴² Mutindu bakala mosi, kilumbu mosi, yina vwanda kulisa meki ya bansusu. Ntangu yayi, ya kele mambu ya kusakana ve. Mu zola kutuba yawu ve samu na kusakana. Mu zola kutuba yawu samu na dibanza mosi. Yandi vwanda sala nsusu ya yandi kufuka, kasi yandi vwandaka ve na meki mingi. Yandi tulaka meki ya kivadangu na yisi ya mosi. Mpe ntangu bawu nyonso kupasukaka, kivadangu kuvwandaka kima mosi ya ngitukulu yina bana ya bansusu kumonaka ntete. Na yawu mama ya nsusu vwanda boka samu na kubokila bana mpe mwa bana ya bansusu vwandaka kwiza, kasi kivadangu vwandaka zaba ve nzonzolo yina. Kasi, kilumbu mosi, mama ya nsusu ya kuluntu nataka bawu na manima ya yinzo ya kibumbulu. Ya vwandaka na mwila na manima ya yinzo ya kibumbulu. Ntangu mwa kivadangu yina kuwaka nsunga ya maza yango, yandi kwendaka na mbangu nyonso na maza yango. Mama ya nsusu tubaka, “kot, kot, kot.” Mpe mwa kivadangu yina vwanda tuba, “honk, honk, honk.” Yandi vwandaka tala na masa. Samu na yinki? Yandi vwandaka kivadangu, na nkadulu. Ntangu yandi kuwaka nsunga ya masa, mpangi-bakala, yandi zolaka lenda ve kuvwanda ntama na yawu, samu ti yandi kuvwandaka kivadangu.

¹⁴³ Mpe mu ke tuba bubu yayi, muntu nyonso yina kieleka zola kutala Nzambi, ba ke bika ata dibuundu ve kuzonza na bawu bima yina ba lenda zinga ve, *yina to yankaka*. Kana beno kele na luzingu ya Nzambi na kati ya beno, beno ke kwenda na busantu. Beno ke kwenda na kima ya kusungama. Beno ke telama samu na kima ya kusungama. Beno ke sala kima ya kusungama. Beno ke banza kima ya kusungama. Beno ke zinga kima ya kusungama.

Kana beno kele kivadangu, beno zola maza. Kana beno kele Muklisto, beno zola Klisto. Kana beno kele dyabulu mosi, beno ke zola bima ya budyabulu. Kana beno kele buse, beno ke kudyanya bima ya kufwa. Kana beno kele ngulu, beno ke kudyanya matiti. Wapi kisika beno kele bubu yayi? Kieleka. Beno ke fwanikisa kuvwanda na zulu awa, na kudyanya bima ya Mfumu, na manima kukwenda na yisi mpe kukota na yisi ya ntoto na dyabulu. Ya kele na kima ke na kutambula mbote ve. Beno sukisa na kuwa bampeve yina; ba kele bampeve ya yimbi. Ata ti beno fwana kutelama beno mosi. Babakala mpe bakento yina me salaka kima na luzingu ya bawu, na kutala, ba vwandaka babakala mpe bakento yina telamaka bawu mosi na Nzambi.

¹⁴⁴ Beno tala Michée, mutindu yandi kutelamaka kuna; mutindu ditadi ya Gibraltar, kasi Ditadi ya Bansungi. Yandi tubaka, “Mu ke zonza kima ve. . . mu ke kipe ve yina seminere ke tuba. Mu ke kipe ve yina dibuundu ya munu ke tuba. Mu ke kipe ve yina ntinu ke tuba. Kana ba zenga munu yintu, mu ke tuba kaka yina Nzambi ke tula na yinwa ya munu na kutuba.” Yandi vwandaka ya kusungama. Yandi vwandaka ya kusungama.

¹⁴⁵ Mpe bubu yayi, babakala mpe bakento, beno landa ve yina yinza ke na kupesa beno, na mutindu ya kubelusa yina kele na yawu, na mutindu ya ba-vaccin yina kele na yawu yina lenda kufwa ba-microbe, mpe ke zonza, “Kana beno kuvukana na dibuundu, nyonso ya beno ke vwanda mbote.” Yina kele vaccin ya luvunu. Samu na yinki? Beno kele dyaka na kimbevo ya disumu. Ya kele kieleka. Kasi mu ke tuba na beno kima mosi, mpangi-bakala, yina ke pesa beno vaccin ya disumu, ya kele, beno kwiza na Menga ya ntalu ya Mfumu Yesu Klisto mpe beno fuluka na Mpeve-Santu, mpe yina ke pesa beno vaccin ya disumu nyonso, mpe bansatu ya beno ke tala na Mazulu, mpe beno ke vwanda na ntangu ve samu na bima ya yinza.

Beto sambila.

¹⁴⁶ Tata ya beto ya Mazulu, na yina beto ke mona bampeve ya luvunu yayi na zulu ya bantu, mpe na kuzabaka ti ba ke na kuvwenza bima ya Nzambi, mu ke sambila, Nzambi, ti Nge kubaka konso bakala mpe kento na kati awa bubu yayi. Ti yayi kuvwanda kilumbu, Mfumu, ti bawu ke bakula ti luzingu ya bawu kele na kiwisa ve na Ndinga. Mpe ti ba vwanda kuwa na kima ya luvunu, ti dyabulu vwanda lembisa bawu na bamagazine ya Masolo ya Kieleka ya ntama, bima ya buzoba ya kubola ya ntama ya yinza, mpe bima ya cinema mpe television ya mvindu. O Nzambi, mutindu ya bima yina Muklisto lendaka tala ve! Nzambi, ya ke lembisa beto. Nge tubaka ya lembisaka Nge, mutindu kuluka. Nge tubaka, “Yimbwa ke vutuka na yina yandi me luka, mpe—mpe ngulu ke vutuka na poto-poto ya yandi.” Yimbwa ya kiboba ke luka kima. Kumona muntu yina me butama ndambu, yina lenda vwanda, muntu ya luvunu kukwiza na autel, mpe mutindu beno ke luka yinza; kasi ke landila kaka,

ba ke vutuka kaka mpe ke kudya kima yango dyaka. O Nzambi, sukula Yinzo ya Nge, Mfumu. Alleluia! Fidisa Mpeve-Santu na mutindu ya kundima ya ntangu ya ntama yina ke sukula bansatu ya muntu mosi mpe ke sukula moyo ya yandi, mpe sukula yandi mpe kukumisa yandi kivangu yina kele na nzila ya Mazulu. Pesa yandi . . . Vutula dyaka buntwenya ya yandi mpe balukanu ya yandi mutindu ngononi, ti yandi lenda na kumata mpe kuluta bima ya yinza yayi, mpe kumata mutindu tolo-tolo na Mazulu kuna kisika yandi lenda kumona matata kukwiza na ntama. Pesa yawu, Mfumu.

¹⁴⁷ Nge fwanikisaka baprofete ya Nge na bawu, bangononi, ti ba vwandaka na disu ya ngononi, lendaka kwenda ntama mingi na zulu mpe kumona bima ntama mingi ntete ya kusalama. O Nzambi, sakumuna mwa dibuundu yayi. Sakumuna bantu yayi yina ke kwizaka awa. Sakumuna banzenza na bankotolo bubu yayi. Mpe ti ba zaba ti Nsangu yayi vwandaka me pesama mbala mosi ve na muntu mosi, kasi me pesama mbala mosi na kulutula, Mfumu, na bayina kele kieleka na nsatu; na kuzabaka ti kilumbu mosi beto fwana kutelama kintwadi na lufundusu ya Nzambi, mpe na kuzabaka ti beto ke vwanda na kizitu ya kuzaba Kieleka mpe kutuba Yawu ve. Tata, mu ke lombi ti konso ntima kubaka Yawu. Na Nkumbu ya Yesu.

¹⁴⁸ Na bayintu ya beto ya kukulumusa mwa ntangu fyoti, mu ke kukiyufula kana ya kele na muntu awa na suka yayi yina zola kutuba, “Mpangi Branham, mu me lembi mwa bima yayi ya ntama. Mu ke na mwa bima yina kele ya kukangama na munu ya me kuma bilumbu. Mu—mu ntangu nyonso ke zonzaka ntangu mu zolaka zonza ve. Mu—mu ke na kusala bima yina mu zolaka sala ve, mpe mu zaba yawu. Ya kele ya kulunga ve samu na Muklisto. Mu zola ve kusala yawu; Nzambi zaba ti mu zola kusala yawu ve. Mpe mu zola dyaka ve kuwa mpeve ya ntama yango. Ya kele kima yina kangaka munu na yisi luzingu ya munu nyonso, na kuzwa luzolo ya kieleka mpe kimpwanza na Klisto. Mu zola ti nge sambila samu na munu, Mpangi Branham, samu ti ya—ya bika munu kilumbu yayi.” Nge zola kutelemisa diboko ya nge? Bayintu nyonso ya kukulumusa. Nzambi sakumuna nge. Oh, la la, bakumi na zole ya maboko! Mwa bima ya fyoti ya ntama, mwa bima ya ntama yina ke salaka beno kuzonza to kubanda mwa mutindu mosi ya mambu na kati ya dibuundu, ke nata beno kubaka balweka na mwa kima mosi yankaka ya mutindu yina. Oh, yina kele bunzambi ve. Yina kele kukabuka na kati-kati ya bampangi. Mpe beno sala yawu ve. Beno zola yawu ve. Beno zola yawu ve mpe mwa bima ya ntama yina, mwa bakudasuka ya ntama mpe bima nyonso yankaka yina, samu na kukanga beno na yisi.

¹⁴⁹ Beno tuba, “Nzambi, mu zola dyaka ve kima yina. Mu me lembi yawu. Mu me yilama bubu yayi samu na kubika nyonso yina. Mu ke na kwiza ntangu yayi, Mfumu, mpe mu zola kubika

munimi ya munu nyonso. Kana mpangi ya munu ya bakala kusala munu mbote ve, mu ke sambila samu na yandi mutindu nyonso. Kana tata ya munu kusala munu mbote ve, mu ke zola yandi mutindu nyonso. Kana kento ya munu kusala munu mbote ve, to bakala ya munu, mu ke landila nzila ya munu, na lembami, na ntwala ya Nzambi. Mfumu, mu ke na kutala kaka na Kimfumu ya Nge. Mu zola dibanza ya munu kusungama. Mu zola ntima ya munu kufuluka na kyese. Mu zola kulanda nzila ya munu, ntangu matata ke sala kieleka na malembe na kizungu ya munu, Mu zola dyaka kuvwanda na maboko na zulu mpe ntima ya munu ya kuvedila na ntwala ya Nge, Mfumu, na kuzaba yayi, ti kilumbu mosi mu ke kutana na Nge. Mu zola mutindu ya kimbangi yina. Mfumu, kumisa munu yina, kubanda kilumbu yayi.”

¹⁵⁰ Beno zola kutelemisa diboko ya beno, muntu yina vwandaka me telemisa ve diboko ya yandi malu-malu yayi. Nzambi kusakumuna nge. Nzambi kusakumuna nge. Mpangi-kento, pesa beto mwa noti na yina bayintu ya beto kele ya kukulumusa. Tii wapi kisika beno me baka lukanu? Beno sakana ntangu yayi ve. Yayi kele ntangu ya kusakana ve. Yayi kele ntangu ya kuyamba. Yayi kele ntangu yina beno fwana kuzwa Yawu. Beno kwiza, tula yawu nyonso na ngaanda malu-malu yayi. Beno zola? Beno kwiza, beno pesa nyonso yina kele na beno na Nzambi. Beno tuba, “Nzambi, mu kele na mingi ve. Mu kele kaka kento ya yinzo. Mu lenda sala mingi ve, Mfumu, kasi mu—mu lenda tanga Biblia ya Nge, mu lenda sambila konso kilumbu. Mu lenda losa na ngaanda mvindu nyonso yina kele na kati ya dibanza ya munu. Mu lenda losa bima nyonso yina na ngaanda. Mu me sala bima mingi yina mulongi me tuba na suka yayi, na yawu mu—mu ke na kutula yawu na ngaanda bubu yayi. Mu zola yawu ve. Nzambi, fulusa munu na zola. Fulusa munu na kima yina ke sala ti munu kuzola mbeni ya munu ya kudasuka mingi. Kieleka mu zola yawu, Mfumu.”

¹⁵¹ Na yina yandi ke na kusika awa, beno zola ve kukwiza ntangu yayi mpe kutelama na autel mwa ntangu fioti, na yina beto ke vukana samu na mpova mosi ya kisambu. Kana beno kele kieleka ntangu yayi, kana kieleka beno me yilama samu na kubika yawu, beno ke katuka ata fyoti ve autel yayi bubu yayi na yawu na ntima ya beno, kana beno kele ya kusungama. Mpe beno tuba, “Mu ke na kwiza na zulu awa kaka samu na kutelama, mwa minuti fyoti, Mpangi Branham, inga, na yina nge ke kuzwa mpova ya kisambu samu na munu, nge mosi.” Mu—mu zola nge kwiza, sambila. Nge zola kukwiza ntangu yayi? Na bayintu ya beno ya kukulumusa, nani ke telama mpe ke kwiza na autel, kutelama pene-pene ya autel?

Kuluta munu ve, O Mvulusi ya ngemba,
Kuwa bidilu ya munu;
Ntangu Nge ke bokila bayankaka,

Oh, kuluta munu ve.

Mvulusi, Mvulusi,
 Kuwa bidilu ya munu;
 Na yina Nge ke na kubokila bayankaka,
 Oh, kuluta munu ve.

¹⁵² Ata wapi lutangu ya ntangu beno kele Muklisto, mpe dyaka beno kele na mwa bampeve yango yina ke zonzaka na beno, yina ke salaka beno kubasisa manzaka ya beno, yina ke salaka beno kuzonza na yina me tala muntu mosi. Ntangu muntu ke kwizaka mpe ke kota na kuzonza na yina me tala muntu yankaka, beno ke kota mbala mosi na bawu mpe, oh, beno ke zonzaka yimbi ya bawu. Yina kele yimbi, mpangi-bakala. Beno sala yawu ve. Yina na nsuka ke kanga beno na ngaanda ya Yinsi ya nsilulu. Kana beno kele na mwa bima yina beno zolaka sala ve, kana luzola ya kieleka ya Nzambi kele ve na kati ya ntima ya beno, beno zola ve kuvwanda mama mpe bakala, kubelama mpe kutuba, “Nzambi, kaka awa mu ke tula yawu na ngaanda, na suka yayi, malu-malu yayi. Mu ke katuka autel yayi muntu ya mutindu luswaswanu.” Beno zola kukwiza?

¹⁵³ Ya kele na musumuki yina ata mbala mosi ve me ndimaka Yesu, mpe beno zaba beno kele musumuki, beno zaba Yandi ve mutindu Mvulusi? Beno ke tuba, “Mpangi Branham, ee, mu vwanda banza kuzwa kilengi mingi. Mu ke kwendaka na kubina mpe mikembo mpe bima nyonso yina. Mu ke talaka bima ya sinema ya yimbi. Mpe mu—mu ke tangaka mutindu ya bima ya yimbi. Mu ke tangaka mabuku ya ntama yina kele na masolo ya buzoba. Mu ke sepelaka na kutangaka yawu.” Mpangi-bakala, ya kele na kima na beno yina ke tambula mbote ve. Yina kele bansatu ya beno; beno me mona, beno lakisa munu yina muntu ke tangaka, beno lakisa munu yina yandi ke talaka, kuwa bankunga yina yandi ke kuwaka.

¹⁵⁴ Kilumbu yankaka yina, mu vwanda nata tomabilu, mwa muntu mosi telemisaka diboko mpe me namisa radio ya munu, mutindu mosi ya bankunga ya ntama ya buzoba. Mu tubaka, “Kufwa yawu. Mu zola kuwa yawu ve.” Bima mosi ya ntama ya boogie-woogie.

Yandi tubaka, “Samu na yinki, mu zola kuwa yawu.”

Mu tubaka, “Luzingu ya nge kele yimbi. Nge kele yimbi.”

¹⁵⁵ Ntangu mu vwandaka na ngaanda awa, mwa bilumbu na manima ya yawu, na zulu ya lweka ya mongo to lweka ya mwa mongo, na kuloba, na muntu yango. Mwa bandeke vwanda yimba. Ba-alouettes vwanda yimba na ngolo nyonso. Hirondelle ya kiboba vwanda dumuka na zulu, to rossignol, vwanda yimba mikembo. Mu lookaka na ngolo nyonso na mwana bakala yina, mu tubaka, “Tala, mwana, yayi kele muziki ya munu. Bika yawu kulanda na kuyimba. Yina kele ladyo ya munu. Nzambi

ke fidisaka bawu na yisi na kuyimba samu na munu na yina mu kele awa. Ya kele yina ke pemisaka moyo ya munu.”

¹⁵⁶ Kulutila mbote na bima nyonso ya bulawu ya ntama, bajuje boxes yayi ya ntama na makelele, ke landila kaka, kisika beno lenda kwandi ve kudya na kisika ya bantu nyonso. Ya kele madya ya dyabulu. Ya kele yinzo ya dyabulu, ya kufuluka nyonso na disumu. Beno ke kota na kati kuna mpe ke sepela na yawu? Ntangu ba ke tulaka mbongo na kati ya mwa manzanza ya ntama yina, mpe bima nyonso ya mvindu yina kuluta, beno ke sepela na yawu? Nsoni na beno. Beno me vutuka manima. Beno me kuma ntama na Nzambi. Beno zaba Nzambi ve. Kana beno zabaka Nzambi, samu na lemvo ya masumu ya beno, beno ke kuwa ata mbala mosi ve mutindu ya buzoba yina. Ya ke vwanda ya kufwa samu na beno. Ya ke—ya ke sala beno kuluka. Beno zola yawu ve. Beno kele na madya kulutila mbote. Beno zola Nzambi. Beno zola ve kukwiza na suka yayi, kufukama awa na bayina me fungula masumu ya bawu na suka yayi?

¹⁵⁷ Awa kele na babakala mpe bakento yina ke na kufukamaka kaka awa, bayina vwandaka Miklisto kubanda bamvula. Mu ke na kuzonza ve ti ba kele miklisto ve. Kasi yina mu ke na kumeka na kusala kele kutuba na bawu ti dyabulu, yina ke na kuyala na zulu ya bawu, ke na kukanga bawu na ngaanda ya Nsayi ya kufuluka. Mpeve-Santu kele Nsayi. Mpangi-bakala, mu ke vumbuka ya kukola na malafu, mu ke kwendaka na mfulu ya kukola na malafu, mu ke vwandaka ya kukola kilumbu nyonso, ya kukola na malafu mpimpa nyonso. Oh, mu kaka—mu kaka zola . . . mu ke kwendaka na kuloba, mu kele kaka, “Kuluta munu ve, O Mvulusi ya ngemba. Kuwa bidilu ya munu.” Mu ke kwenda na kuzomba, mpe ke yimba mikembo ya Nzambi. Mu ke longa, mu . . . kisika nyonso mu ke kwenda. Beno zola ve kuvwanda mutindu yina? Ya kufuluka na Mpeve-Santu, Ya ke pesa beno ngolo. Oh, la la! Kuwa bawu kuyimba minkunga ya mvindu ya ntama yina, beno lenda yimba yayi:

Mu ke na nzila ya Yinsi ya nsilulu,
Mu ke na nzila ya Yinsi ya nsilulu;
O nani ke kwiza mpe ke kwenda na munu?
Mu ke na nzila ya Yinsi ya nsilulu.

Mu ke na nzila ya Yinsi ya nsilulu,
Mu ke na nzila ya Yinsi ya nsilulu;
O nani ke kwiza mpe ke kwenda na munu?
Mu ke na nzila ya Yinsi ya nsilulu.

Ntangu mu ke kuma na kisika yango ya
kusakumunu ya kupema,
Mpe kuvwanda ya kusakumuna ntangu
nyonso!
Ntangu mu ke mona kizizi ya Tata ya munu,
Mpe kupema na ntulu ya Yandi?

Mu ke na nzila ya Yinsi ya nsilulu,
 Mu ke na nzila ya Yinsi ya nsilulu;
 O nani ke kwiza mpe ke kwenda na munu?
 Mu ke na nzila ya Yinsi ya nsilulu.

158 Beno zola ve kukwiza, kukwenda na beto? Mu ke bambuka moyo ntangu na kutala nkama tanu ya beto vwandaka ya kutelama kuna ntangu mu vwandaka botika nkama na makumi zole, na kutala na ntangu yayi ya mvula, na yisi awa na simu ya nzadi, ntangu Mbwetete ya nene ya Suka kwizaka lezima kuna na mwila. Alleluia! Ndinga basikaka na Yawu, tubaka, “Kilumbu nge ke mwangisa Nsangu ya mbote na yinza nyonso.” Wapi mutindu mwa, mputu, ya mwana ya bakala ya bilanga yayi yina zaba kima ve zolaka sala yawu? Lemvo ya Nzambi! Amen.

159 Oh, nani ke kwiza mpe ke kwenda? Beno katula, beno losa, kizitu nyonso ntangu yayi. Beno kuwa ve bampeve yango ya luvunu. Beno kwiza, beno kuwa Ndinga ya Nzambi, MUTINDU ME TUBA MFUMU! “Kusakumuna kele bayina kele na nsatu mpe mpwila ya mambu ya kudedama, samu ti bawu ke fuluka.”

160 Ti beto kulumusa bayintu ya beto ntangu yayi na yina beto ke sambila na bayayi yina kele na autel.

Bana ya luzolo, mu zola beno kubambuka moyo, na suka yayi, beno kele kuna samu na kulosa kizitu. Beno kele kuna samu na kulosa kizitu mpe disumu yina ke kangaka beno na malembe. Paul tubaka, na Hébreux, kapu ya 12.

. . . tadila ti beto . . . kele ya kuzunga na nkonga yayi ya nene ya bambangi, ti beto losa kizitu, mpe disumu . . . ke kangaka beto na malembe, . . .

Mpe yinki mu lenda kutuba dyaka? Samu ti ntangu kele ve . . . kuzonzila na Gédéon, Balak, Barak, Samson, Jephthé; David . . . Samuel, mpe na bapofete:

Bayina na nzila ya lukwikilu kunungaka bayinsi mingi, sadilaka mambu ya kudedama, mpe bawu kuzwaka nsilulu, bawu kukangaka yinwa ya nkosi,

Bawu kufwaka tiya ya ngolo, mpe vuukaka na lufwa ya mbele, kuzwaka bimbevo vwandaka na ngolo, mpe lakisaka . . . ngolo . . . mbeni na muzingu . . .

Mpe bakento talaka bantu ya bawu yina vumbukaka na lufwa . . .

Mpe bayankaka kuzwaka matata, kuseka ya mpasi mpe kubula, . . . dyaka, kulutila yayi, miniololo mpe boloko:

Mpe—mpe bayankaka yina talaka bampasi . . . kuseka . . . kubula . . .

. . . bawu nyonso kuzwaka kimbangi ya mbote na nzila ya lukwikilu, . . .

Mpe nyonso yayi, kuzwaka kimbangi ya mbote na nzila ya lukwikilu, ba kuzwaka ve yina ba silaka:

Mutindu Nzambi kanisaka dyambu ya kulutila mbote samu na beto, ti kukondwa beto bawu kukuma ve ya kulunga.

Na yina me tadila beto . . . kele ya kuzunga na nkonga yayi ya nene ya bambangi, ti beto losa kizitu, mpe disumu . . . ke kangaka beto na malembe, ti beto lenda kukima na kibakala mbangu yina kele na ntuala ya beto,

Na kutalaka na Yesu yina kele mbandukulu mpe nsuka ya lukwikilu ya beto; yandi samu na kyese yina vwandaka vingila yandi na ntuala ndimaka kufwa na kulunsi, kipeke ve nsoni, mpe . . . ya kuvwanda na lweka ya bakala ya kiti ya kintinu ya Nzambi.

¹⁶¹ Yesu, na kati ya kisambu ya Yandi, tubaka, “Tata, Mu me santisama Munu mosi.” Yesu kumaka ya kusantisama, samu na Dibundu. Yandi zolaka kwelana, kasi Yandi kusalaka yawu ve. Yandi kumaka ya kusantisama. Yandi tubaka, “Santisa bawu, Tata, na nzila ya Kieleka. Ndinga ya Nge kele Kieleka.”

¹⁶² Ntangu yayi beto losa konso kizitu. Beno ke dasukaka mingi? Beno kele na kima na beno, yina ke salaka beno kuzonza ntangu beno fwana zonza ve? O Nzambi! Beno tula yawu kuna ntangu yayi. Beno tula yawu kuna, beno tala mbote Tiya ya autel kukulumuka mpe kunyengisa yawu. Beno tala mbote luzolo ya Nzambi kuna yawu. Beno tala mbote munimi yango nyonso, mutindu beno vwanda zonzaka na kento ya beno, mutindu beno vwanda zonzaka na bakala ya beno, mutindu beno vwanda zonzaka na mpangi ya beno, mutindu beno vwandaka zonzila na bantu ya dibundu, Beno tula yawu na autel na suka yayi, mpe Tiya ya Nzambi ke kululumuka mpe ke nyengisa yawu mbala mosi, mpe zola ya Bunzambi ke nyenga na kisika ya yawu.

¹⁶³ Beno kele ya kubela? Beno tula yawu na autel, beno tuba, “Mfumu, yawu yayi. Yidika na kati ya munu mpeve ya kuvedila. Yidika na kati ya munu ngolo ya kubeluka.” Beno mona yinki Nzambi ke sala. Nzambi ke sala yawu na suka yayi.

¹⁶⁴ Tata ya beto ya Mazulu, beto me fukama na Ntwala ya Nge, samu na bayina kele na autel. Ti lemvo ya Nge kupema na zulu ya mosi na mosi ya bawu, Tata. Ntangu yayi na yina bawu . . . Mfumu, mu lenda sala yawu ve samu na bawu. Ba fwana sala yawu bawu mosi. Ata muntu lenda sala yawu samu na bawu. Ba fwana sala yawu bawu mosi. Ti myela ya bawu ntangu yayi kutuba na kati ya bawu mosi, “O Nzambi, kudasuka yayi, mu ke tula yawu awa, Mfumu. Ata mbala mosi ve ti mu ke baka yawu. Ata nyonso yina ke kwiza to ke salama, mu ke bika yawu, kubanda ntangu yayi. Ludimi ya munu yayi yina na malembe vwanda baka lweka na nkonga ya bantu yina zola kutonga,

Mfumu, mu ke na kutula yawu awa. Ata mbala mosi dyaka ve ti mu ke baka yawu. Santisa ludima ya munu, Mfumu. Ti mu kutala na nzutu Bawanzio kuluta, mutindu Ésaïe salaka ntangu yandi tubaka, “Mu kele ya bikoba ya kuvedila ve. Kyadi na munu!” Mpe Wanzio kwizaka, me baka bapense, mpe kwendaka na autel mpe kuzwaka makala ya Tiya, mpe tulaka yawu na zulu ya bikoba ya yandi mpe santisaka yandi. Nzambi, santisa konso muntu yina zola kuzonza, na suka yayi, yina ke zonzaka yimbi mpe yina ke kunaka kukabuka. Pesa yawu, Mfumu.

¹⁶⁵ Bimbevo nyonso yina me fukama awa na kati ya yinzo awa, bantu kubela, na kuzabaka ti ya kele bampeve ya yimbi, mpe. Nzambi, mutindu kisadi ya Nge, mu ke basisa bawu, na Nkumbu ya Yesu. Ti bawu kubasika na konso muntu ya kubela. Mpe ti konso muntu ya kuvedila ve, yina kele na mabanza ya kuvedila ve, ya buzoba, zola kulula, babakala mpe bakento, mutindu mosi, Nzambi, basisa bawu yawu. Bawu nyonso yayi awa yina ke na kumeka na kubika tabaka, mpe mwa kunwa malafu ya kintwadi, mpe mwa mikembo, mpe bima ya munimi; Nzambi, pesa ngolo na bantima ya bawu na nzila ya Mpeve-Santu na mutindu mosi ti bima yango ke kuzwa ata fyoti ve nsatu dyaka. Ya ke vwanda na ata kivinga ve; beno me fuluka mingi na Mpeve-Santu, kubanda kuna.

¹⁶⁶ Nzambi, kumisa mwa dibuundu yayi divunda ya tiya. Kumisa yawu kisika ya Mpeve-Santu, kumisa yawu Tiya ya nene, yina yinza lendaka baluka na kumona nkembo ya Nzambi. Nzambi, banda na mwa ndambu ya bantu yayi, ya bankama zole to tatu ya bantu awa na suka yayi. Pesa yawu, Mfumu.

¹⁶⁷ Vedisa konso ntima, konso Methodiste, konso Baptiste, konso muntu ya Katolika, konso Presbyterien, konso muntu ya Pantekote. Mfumu, basisa yawu na bantima ya bawu, mpe ti bawu kukwiza na Nge bubu yayi. Pesa yawu, Tata. Mu me pesa bawu na Nge, mpe me bika bawu na Nge, na Nkumbu ya Yesu Klisto, samu na kusantisama ya myela ya bawu mpe kubeluka ya banzutu ya bawu. Amen.

¹⁶⁸ Mu ke na kukiyufula, na autel, beno me bika kizitu ya beno? Beno ke na kutala na nzutu mutindu ya kele ya kutula kuna? Kana beno ke na kutala na nzutu ti ya kele ya kutula kuna, ya me tala beno na kufundisa. Beno kele yina ke na kusambila. Mu me longa. Beno ke na kusala kisambu. Kizitu ya beno me bikana kuna, mpangi-bakala, mpangi-kento? Beno lenda bika yawu kieleka kuna? Kana beno lenda, beno telemisa diboko ya beno, beno tuba, “Yinga, Nzambi, ntangu yayi mu me bika yawu awa. Mutindu ya munu yankaka ya kutala, mu ke bika yawu awa na autel.” Wapi mutindu samu na nge, na nsuka ya autel kuna, na lweka ya munu ya bakala, mama? Nge lenda bika yawu kuna? Nge lenda bika kizitu yango ya ntama kuvwanda kuna? Tuba, “Yinga, lukwikilu ya munu ke tala na Nge, Nge Mwana-dimeme

ya Calvaire.” Na yina beto nyonso ke yimba yawu kintwadi ntangu yayi.

Lukwikilu ya munu ke tala na Nge,
Nge Mwana-dimeme ya Calvaire,
O Mvulusi ya Kimpeve;
Kuwa munu na ntangu mu ke sambila,
Katula foti ya munu nyonso,
Oh bika ti kubanda bubu yayi
Mu vwanda nyonso ya Nge!

¹⁶⁹ Beto telama, na buzitu nyonso, muntu nyonso. Ntangu yayi beno kuwa mbote-mbote, muntu nyonso ntangu yayi. Ti muntu ve kukwenda. Kaka . . . Lukutakanu me nsuka ve. Mu zola beno kukota na mwa atimosifere ya santu yayi, na mwa atimosifere yayi na muntu yandi mosi.

Na ntangu mu ke tambula na kati ya mpimpa
ya luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Kusuna masangaza ya munu,
Mpe bika ti kubanda bubu yayi
Mu vwanda nyonso ya Nge!

Beno yimba yawu ve samu na mpangi ya beno ntangu yayi. Beno kanga meso ya beno, mpe ti beto kuyimba yawu na malembe, na yina beto ke telemisa maboko ya beto na Nzambi.

Na ntangu mu ke tambula na kati ya mpimpa
ya luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Kusuna masangaza ya munu,
Kubika ve ti mu kwenda
Ntama na Nge.

Mu ke na Tata na zulu kuna,
Mu ke na Tata na zulu kuna,
Mu ke na Tata na zulu kuna,
Na Simu yankaka.

Oh, ya ke na kilumbu mu ke mona Yandi,
Ya ke na kilumbu mu ke mona Yandi,
Ya ke na kilumbu mu ke mona Yandi,
Na Simu yankaka.

Oh, mbasi lenda vwanda kilumbu yango,
Mbasi lenda vwanda kilumbu yango,
Mbasi lenda vwanda kilumbu yango,
Na Simu yankaka.

170 Mu ke na kumiyufula ntangu yayi, bantu yikwa ke na tata na Yinsi yankaka yina? Bika beto mona diboko ya beno. Bantu yikwa ke na mama na Yinsi yankaka yina? Bika beto kumona diboko ya beno. Bantu yikwa ke na Mvulusi na Yinsi yankaka yina? Bika beto mona diboko ya beno.

Kukutana ya mbote ya ke vwanda!
 Kukutakana ya mbote ya ke vwanda!
 Kukutakana ya mbote ya ke vwanda!
 Na simu . . .

171 Mu zola beno kusala kima. Ntangu yayi na yina beto ke na kuyimba dyaka, mu zola beno kupesa diboko na muntu yina kele pene-pene ya beno, mpe beno tuba, “Mpangi-bakala, mpangi-kento, sambila samu na munu, ti mu ke monana na nge na Yinsi yankaka yina.” Beno sala yawu ve kana ti beno banza yawu ve. Bantu yikwa zola kumonana na muntu yankaka? Bantu yikwa zola kumonana na muntu nyonso awa, na lweka Kuna? Beto, kieleka beto zola yawu. Ntangu yayi bika beto kupesana kaka maboko mpangi na mpangi, mpe kutuba, “Mu zola kumonana na nge, mpangi-bakala. Mu zola kumonana na nge na lweka yankaka yina.” Ntangu yayi na yina beto ke na kuyimba yayi, “Mu ke na Mvulusi na zulu kuna.” Mbote mingi.

Mu ke na Mvulusi na zulu kuna,
 Mu ke na Mvulusi na zulu kuna,
 Mu ke na Mvulusi na zulu kuna,
 Na Simu yankaka.

Oh, ya ke na kilumbu mu ke mona Yandi,
 Ya ke na kilumbu mu ke mona Yandi,
 Ya ke na kilumbu mu ke mona Yandi,
 Na Simu yankaka.

172 Yina ke sala beno ve kutala na nzutu mbote mpe mbote mingi? (*Yesu, bumba munu pene-pene ya kulunsi.*)

Yesu, bumba munu pene-pene . . .
 Ya kele na Kiteko ya ntalu,
 Nzila ya kubeluka, ya mpamba samu na muntu
 nionso,
 Ke basisa na Kiteko ya Calvaire.

Beno nyonso telemisa diboko ya beno ntangu yayi.

Na kulunsi, na kulunsi,
 Vwanda nkembo ya munu ntangu nionso;
 Tii moyo ya munu ke kwenda na zulu
 Mvundulu na manima ya nzadi.

Na kulunsi, na kulunsi,
 Vwanda nkembo ya munu ntangu nionso;
 Tii moyo ya munu ke kwenda na zulu
 Mvundulu na manima ya nzadi.

Mu zola Yandi, mu zola Yandi

Samu Yandi zolaka munu ntete
Mpe futaka mpulusu ya munu
Na Calvaire.

Nkembo vutuka na Nzambi!

¹⁷³ Bika beto na malembe ntangu yayi kaka kukulumusa bayintu ya beto. Mpe na mutindu ya beto mosi ya luzolo, ti beto kembila Yandi na maboko ya beto na zulu, na kutubaka, “Matondo na Nge, Mfumu, samu na mpulusu ya moyo ya munu. Matondo na Nge, Mfumu, samu na kubeluka. Matondo na Nge, Mfumu, samu na nyonso yina Nge me sala, kunataka mpulusu ya mbote, na kunataka mpulusu ya mpamba. Matondo na Nge, Mfumu.”

Beto ke pesa Nge matondo samu na bumbote yayi. Beto ke kembila Nge samu ti Nge kele ya luzolo mingi. Nge kele Lis ya Vallée, Mbwetete ya Suka, Rose ya Saron, Nyonso na Nyonso. Nge kele Tata, Mwana, Mpeve-Santu; Yandi yina Vwandaka, Yina Kele, mpe Ke Kwiza; Alpha ya nene, Omega. Nge kele Yina kele ya kulutila Mbote, Mwana ya Ntinu ya Ngemba, Musisa mpe Nkuna ya David. Nge kele Nyonso! Mpe beto ke tonda Nge, Mfumu, samu na nyonso yina Nge me sala. Beto me tonda Nge samu na Ndinga ya Nge, samu ti Yawu kele Nsemo na nzila ya beto. Oh, beto ke sambila, Mfumu, ti Nge ke bika beto kutambula na kati ya Nsemo. Pesa yawu, Tata. Na Nkumbu ya Yesu Klisto. Amen.

Mbote. Na yina beto ke vwanda mwa ndambu. (*Beto ke tambula na Nsemo.*)

Beto ke tambula na Nsemo, Nsemo mosi ya
kitoko mingi,
Beno kwiza kisika ke lezima kinoko ya kyadi;
Ke lezima pene-pene ya beto, kilumbu mpe
mpimpa,
Yesu, Nsemo ya . . .

¹⁷⁴ Beto kwenda, basantu, bika beto yimba yawu ntangu yayi!

Beto ke tambula na Nsemo (kuvedila, busantu),
Nsemo ya kitoko mingi,
Beno kwiza kisika ke lezima kinoko ya kyadi;
Ke lezima pene-pene ya beto, kilumbu mpe
mpimpa,
Yesu, Nsemo ya yinza.

Beno kwiza, ndima Yandi mutindu Ntinu ya
beno,
Yesu, Nsemo ya yinza;
Kuna bangunga ya Mazulu ke wakana,
Yesu, Nsemo ya yinza.

Muntu nyonso!

Beto ke tambula na Nsemo (Nsemo na nzila ya munu), Nsemo ya kitoko mingi,
 Beno kwiza kisika ke lezima kinoko ya kyadi;
 Ke lezima pene-pene ya beto, kilumbu mpe mpimpa,
 Yesu, Nsemo ya yinza.

¹⁷⁵ Yina ke sala beno ve kutala na nzutu mbote? Bantu yikwa ke na kutala mbote na nzutu? Beno telemisa kaka diboko ya beno ntangu yayi, beno tuba, “Mu ke na kutala na nzutu kieleka mbote.” Mpeve-Santu me sukula beno nyonso. Na yina beto ke (yinki?) tambula na kati ya Nsemo. Beno kuwa ve konso . . . Yinki kele Nsemo? “Ndinga ya Nge kele Mwinda.” Na yawu kuna:

Beto ke tambula na Nsemo yayi, ya kele Nsemo ya kitoko mingi,
 Ya ke kwizaka kisika ke lezima kinoko ya kyadi;
 Ke lezima pene-pene ya beto, kilumbu mpe mpimpa,
 Yesu, Nsemo ya . . .

¹⁷⁶ Ntangu yayi, ya kele ya kulutila mbote ve? Ya ke na kutalana mutindu beto lenda kaka ve kusukisa. Mpeve-Santu ke na kusimbaka kaka beto! Beno ke na kutala mutindu yina ve? Ke talana kaka mutindu . . .? . . . Ke monana kaka mutindu ti ya ke na kubasika kaka.

. . .Nsangu ya mbote ke na kubwa ndambu-ndambu na menga,
 Menga ya bilandi yina kufwaka samu na Kieleka,
 Nsangu ya mbote ya Mpeve-Santu yayi ke na kubwa ndambu-ndambu na menga.

Muntu ya ntete yina kufwaka samu na dyambu ya Mpeve-Santu yayi,
 Vwandaka Jean Mubotiki, kasi yandi kufwaka mutindu muntu;
 Na manima kwizaka Mfumu Yesu, ba komaka Yandi na kulunsi,
 Yandi longaka ti Mpeve ke vuukisa bantu na disumu.

Ya vwandaka na Pierre mpe Paul, mpe Jean ya kimpeve,
 Ba pesaka baluzingu ya bawu samu Nsangu ya mbote yayi lezima;
 Ba vukisaka menga ya bawu, mutindu baprofete ya ntama,
 Samu Ndinga ya kieleka ya Nzambi kupesama na kusungama.

Na manima ba losaka matadi na Étienne, yandi
 longaka na kuteleminaka disumu,
 Yandi salaka bawu kudasuka mingi, bawu
 pasulaka yandi yintu;
 Kasi yandi kufwaka na Mpeve, moyo ya yandi
 kubasikaka,
 Mpe kwendaka vukana na bayankaka, bayina
 pesaka baluzingu ya bawu.
 Ya ke na kulandila na kubwa ndambu-ndambu
 na menga, yinga, ya ke na kunoka na menga,
 Nsangu ya mbote ya Mpeve-Santu yayi ke na
 kunoka na menga,
 Menga ya bantumwa yina kufwaka samu na
 Kieleka,
 Nsangu ya mbote ya Mpeve-Santu yayi ke na
 kulandila na kunoka na menga.

Beno kuwa!

Ya kele na mioyo na yisi ya autel, ba ke na
 kuboka, “Tii wapi ntangu?”
 Ntete Mfumu kunganina bayina kusalaka
 yimbi;
 Kasi ya ke vwanda na mingi yina ke pesa
 menga ya bawu ya luzingu
 Samu na Nsangu ya mbote ya Mpeve-Santu
 yayi na kifuluka ya yawu ya mbwaki.
 Ke na kulandila kaka na kunoka na menga,
 (Alleluia!) ya ke na kunoka na menga,

Mu zola kuvwanda mosi ya bawu.

. . . Nsangu ya mbote ya Mpeve-Santu, yawu ke
 na kunoka na menga,
 Menga ya bilandi yina kufwaka samu na
 Kieleka,
 Nsangu ya mbote ya Mpeve-Santu yayi ke na
 kubwa ndambu-ndambu na menga.

¹⁷⁷ Mu zola kukwenda mbala mosi na kisika ya kulonga yayi.
 Amen. Oh, mutindu ya kele ya kulutila mbote! Bampangi ya
 munu kupesaka menga ya luzingu ya bawu. Ya ke vwanda na
 mingi ke sala kima mutindu mosi. Beno tala boma ve. Ntontolo
 ke na kwiza ntama mingi ve. Beno ke kota to ke basika. Bawu
 ke na kuvukana bawu nyonso ntangu yayi samu na Lukutakanu
 ya Mabuundu, mpe bawu nyonso ke na kwenda na kati. Bawu
 nyonso ke na kuvukana kintwadi.

Mpe ya ke vwanda na mingi yina ke pesa
 menga ya luzingu ya bawu,
 Samu na Nsangu ya mbote ya Mpeve-Santu
 yayi mpe kifuluka ya yawu yina ke vedisa.

Ya ke na kunoka na menga, yinga, yawu ke na
 kunoka . . . (Oh, alleluia!)
 Nsangu ya mbote ya Mpeve-Santu yayi ke na
 kubwa ndambu-ndambu na menga,
 Menga ya bilandi yina kufwaka samu na
 Kieleka,
 Nsangu ya Mpeve-Santu yayi, yawu ke na
 kunoka na menga.

¹⁷⁸ Oh! Mu ke na kutala mutindu ti Enlevement kele kaka na zulu ya dibuundu. Oh, ya ke na kusala munu kutala na nzutu mbote mingi! Masumu nyonso kele na yisi ya Menga. Benoni me mona, Mpeve-Santu ke zolaka Ndinga. Ndinga kele yina Mpeve-Santu ke dikisaka, benoni me mona. Oh, la la! Ya ke na kukulumuka mpe ke kwiza na kati-kati ya bantu, ke sukula masumu ya bawu, ke katula bimbevo ya bawu, ke katula bawu luvunu. Ntangu yayi mu me lawuka, kaka ya kulawuka mutindu mu lenda vwanda, ya kulawuka na Mpeve, luzolo ke na kubasika na ntima ya munu. Ata nyonso yina muntu salaka, ba me lemvuka yawu. Mbeni ya benoni me mona ya kudasuka mingi yina, yawu nyonso me manisa. Muntu nyonso yina zonzaka to tubaka kima, kana mu . . . mbote, mu . . . yina nyonso me kwenda, nyonso ba me sukula ntangu yayi.

Mpe Yawu ke na kunoka na menga, yinga,
 yawu ke na kunoka na menga,
 Nsangu ya mbote ya Mpeve-Santu ke na
 kubwa ndambu-ndambu na menga,
 Menga ya bilandi yina kufwaka samu na
 Kieleka,
 Nsangu ya mbote ya Mpeve-Santu yayi . . .

Oh, la la! Mutindu ya kele ya kulutila mbote!

Wapi mutindu ya ntangu ya kulutila mbote
 samu na benoni,
 Wapi mutindu ya ntangu ya kulutila mbote
 samu na munu;
 Kana betoni nyonso kuyilama samu na kukutana
 Yesu Ntinu ya betoni,
 Wapi mutindu ya ntangu ya kulutila mbote ya
 ke vwanda.

Ntangu ya kulutila mbote samu na benoni,
 Ntangu ya kulutila mbote samu na munu;
 Kana betoni nyonso kuyilama samu na kukutana
 Yesu Ntinu ya betoni,
 Wapi mutindu ya ntangu ya kulutila mbote ya
 ke vwanda.

Benoni zola yawu? Benoni nyonso, benoni kwiza!

Oh, ntangu ya kulutila mbote samu na benoni,
 Ntangu ya kulutila mbote samu na munu;

Kana beto nyonso kuyilama samu na kukutana
 Yesu Ntinu ya beto,
 Wapi mutindu ya ntangu ya kulutula mbote ya
 ke vwanda.

179 Mu ke na kutala mutindu reveil ya mutindu ya ntama kele
 na kati ya dibuundu. Beno ve? Kaka nkusununu ya ntama,
 kukwaka; mbote, ntangu ya ntama ya kulutula mbote. Beno ke
 na kutala mbote ve? Oh!

Mu ke kembisa Yandi, mu ke kembisa Yandi,
 Nkembo na Mwana ya dimeme yina kufwaka
 samu na misumuki.

Ti beto kuyimba yawu ntangu yayi, muntu nyonso. Beno zaba
 yawu? Mu zaba yawu. Kwiza awa; nge sadisa munu na kutwadisa
 yawu, Mpangi Neville. Mpe nyonso ya beno, kintwadi ntangu
 yayi, beto telemisa kaka maboko ya beto, beno yimba yawu na
 munu, ntangu yayi, ntangu yayi, kana beno lenda.

Beno kembisa Mwana-dimeme yina kufwaka
 samu na misumuki;
 Beno pesa Yandi nkembo, beno nyonso bantu,
 Samu Menga ya Yandi me sukula matono
 nionso.

180 Ntangu yayi, muntu nyonso, beno kwiza!

Mu ke kembisa Yandi, mu ke kembisa Yandi,
 Beno kembisa Mwana ya dimeme yina
 kufwaka samu na misumuki;
 Beno pesa Yandi nkembo beno nyonso bantu,
 Samu menga ya Yandi me sukula matono
 nionso.

Amen. Yina kele ya kulutula mbote?

. . . Mbanza ya matadi ya mpembe,
 Kisika mu kele na yinzo, harpe, mpe yimpu ya
 mfumu;
 Ntangu yayi mu ke na kuingila, ke na kutala
 mbote mpe ke na kusambila,
 Samu na Mbanza ya mpembe Jean monaka
 yawu ke kulumuka.

181 Amen. Ya kulutula mbote! Oh! Ntangu yayi beto telama,
 muntu nyonso. Mu banza ti beno ke na kutala mbote na nzutu.
 Beno bambuka moyo na balukutakanu ya nkokila yayi. Ntangu
 yayi beto zola kuyimba nkunga ya beto ya mbote, ya ntama ya
 kusukisa.

Beto ke fukimina Nkumbu ya Yesu,
 Beto ke fukama na makulu ya Yandi,
 Samu na kubyadisa Yandi ntinu ya bantinu na
 Mazulu,
 Ntangu nzyetolo ya beto ke suka.

Mbote. Muntu nyonso ntangu yayi, kintwadi. Mbote mingi.

Beto ke fukimina Nkumbu ya Yesu,
Beto ke fukama na makulu ya Yandi,
Samu na kubyadisa Yandi ntinu ya bantinu na
Mazulu,


Ntangu nzyetolo ya beto ke suka.

Nkumbu ya ntalu (Nkumbu ya ntalu), Oh
Nkumbu kitoko! (Oh nkumbu kitoko!)

Kivuvu ya ntoto mpe kyese ya Mazulu;
Nkumbu ya ntalu (Nkumbu ya ntalu), Oh
Nkumbu kitoko! (Oh Nkumbu kitoko!)

Kivuvu ya ntoto mpe kyese ya Mazulu.

¹⁸² Wapi suka ya kulutula mbote! Wapi mutindu ya ntangu ya kulutula mbote! Beto kulumusa bayintu ya beto ntangu yayi mwa fyoti. Muntu kutala kaka mbala mosi na Klisto ntangu yayi, Mvulusi ya beno. Na mutindu ya swi, mu zola beno kuvutula Yandi matondo mpe nkembo. Beno tuba, “Mfumu, mu ke na kutonda Nge samu na kusantisama ya mwela ya munu. Mu ke na kutonda Nge samu na nyonso yina Nge me sala samu na munu. Ti Mpeve ya Nge kuvwanda na zulu ya munu kilumbu nyonso, Mfumu. Twadisa munu. Nata munu. Sakumuna munu.” Nzambi kupesa lusakumunu yango na beno, ya kele kisambu ya munu.

Ntangu yayi na ntangu beto ke kulumusa bayintu ya beto, Mpangi Neville, nge lenda kanga na nzila ya mpova ya kisambu samu na beto. 

55-0724 Bampeve Ya Luvunu
Branham Tabernacle
Jeffersonville, Indiana U.S.A.

KIKONGO-KITUBA

©2020 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org